





53

15

20

53

6

56

12. 24

all

12. 24

all

12. 24

1800

1801


1802

1803

1804

1805

AD
EXECRABILES
QVATVOR ARTICVLOS
ADVERSVS SACRAM MISSAM,
 In nundinis Guybræis, innominato
 autore euulgatos,
 resposio.



PER RENATVM FRVZEVV BENEDI-
 ctinum, Theologum Parisiensem.

CVI ADIECTVS EST LIBELLVS:
De multiplici hæreticorum tentatione. Per Ioan-
nem Vacquerium Roïensem, eiusdem
Facultatis Doctorem.

Biblot.

Coll.

Loc.



Sacr.

Dom.

Segu

PARISIIS

Apud Nicolaum Chesneau, via Iacobæa, sub
 scuto Frobeniano, & Quercu viridi.

M. D. LXI.

CVM PRIVILEGIO SENATVS.

300

PIO LECTORI

R. ERVZAEVS

SALVTEM.



*N*unc scripsimus respō-
sionem, Christiane Lector,
iis qui schedam illā nun-
dinariam legerint. Pro-
pterea nec visum est il-
lius verba recensere. Puduit etiamnum
res tam putidas iterum lectoris subiicere
oculis. Qui viderunt, satis intelligent;
quid, cui respondeat. Qui non viderunt:
non queratur mancā respōsionem, quā
aliis est scripta. Quanquam fortassis nec
ipsis futura est inutilis. Nec vidisse cu-
piant admodum: quae visa obesse possunt
plurimis, prodesse nemini. (Vale.)

BREVIS RESPONSIO

AD EXECRABILES QUATVOR

articulos aduersus sacram Missam, in
nundinis Guybræis, innominato autore
euulgatos, per Renatum Fruzeum Be-
nedictinum, Doctorem Parisiensem.



D primum. Antiquæ le-
gis sacrificia (quoniã im-
perfecta erant, & impos-
sibile erat sanguine taur-
orum & hircorum au-
ferri peccata) repeteban-
tur nõ modò quotãnis per Pontificem: sed
& quotidie per sacerdotes. Quotidie nouæ
offerebantur immolabanturque hostiæ,
nouus quotidie fundebatur sanguis: donec
Dominus noster Iesus Christus summus
pontifex corpus suum, vitam & sanguinẽ
ad destructionem peccati Deo patri obtu-
lit semel in ara crucis in sacrificium perfe-
ctissimum.

Quod cruentum, visibile, ac sensibile
Christi sacrificium (quoniam vndiquaque
perfectum est, infiniti meriti, planẽque sa-
tisfactoriũ pro peccatis totius mundi) nõn

1. Ioan.

repetitur, non iteratur, non iterum crucifigitur Christus. Non alia persona aut diuina aut humana immolatur. Nullus Deo ceditur vitulus, aut hircus. Nullus iam effunditur sanguis. Nullum incenditur holocaustum. hæc vult Paulus.

bræo.
7.9.10. In sacra Missa offertur sacrificium, sed non cruentum, non visibile, non sensibile: nec tamen nouum. Non aliud quàm quod semel obtulit Christus in cruce, non aliud hodie, aliud cras. Non aliud in hoc altari, aliud in illo. Quod luculenter exprimit *mil.17.* Chrysostomus. Quia, inquit, semel oblata *Epist.* est illa hostia, oblata est in sancta sanctorum. *Heb.* hoc autem sacrificium exemplar est illius. Id ipsum semper offerimus, nec nunc quidem alium agnum, crastina alium: sed semper eundem ipsum. Proinde vnum est hoc sacrificium. hæc Chrysostomus.

Offertur itaque in sacra missa semper idem agnus, idè corpus Iesu Christi, idem ipsius sanguis, quæ consecrante sacerdote ministro diuina occurrète, & operante potentia sub speciebus panis & vini esse incipiunt inuisibiliter, & insensibiliter, uti fuerit consecrâte Christo in coena. Sumunturque à fidelibus quemadmodum sumpserunt

runt tunc sancti Apostoli porrigente Domino Iesu, atque sacramentum hoc instituente.

Et verū sacrificium est, non solum quatenus quod hīc agitur, memoria quædam est & representatio sanctiss. illius sacrificij, salutarisq; immolationis semel factæ in cruce, verū etiam quatenus hīc quoque est hostia. Non alia: sed eadem, dum reuera sacerdos in persona Ecclesiæ præsentat Deo patri oblationem illam factam semel per filium.

Neque hæc ex humana inuentione aut institutione, verū ex eiusdē Domini nostri expressiss. præcepto, quī peracto sacrosancto illo mysterio, atque sacramento, disertis verbis illud iussit obseruandum, & quod ipse fecerat faciendum, inquit: Hoc facite in meam commemorationem. Quo Luc. 22
tiescunque enim māducabitis panē hunc, 1. Cor. I
& calicem bibetis, mortē domini annūciabitis donec veniat.

Excederemus compendij modum, si huc adduceremus quæcunque occurrunt ad cōprobandum verba illa Christi, & quæ in eam sententiam habentur passim in Euangelis, ad eum quem diximus sensum esse

intelligenda. Proferendi nobis essent omnes sacri doctores, quotquot fuerunt à tempore Apostolorum. Preferenda autoritas perpetuusque consensus vniuersalis Ecclesiæ, quæ & oppositos errores, quoties oborti sunt, oborti autem sunt rarissimè, compescuit. Nec inuenit is error sectatores extinctis autoribus, vti inuenere errores Manetis, Arrij, Donati, Macedonij, Pelagij, ac aliorum hæreticorum. Vsq; adeo crassus est præ cæteris iste error, & homini Christiano inopinabilis, qui neque oriri potuit: nisi post mille annos à passione Domini, posteaquàm totus fidei ac religionis Christianæ feruor deferbuerat, vt postremus esset errorum omnium veluti pessimus, nascereturque quando nulla iam alia hæresis excogitanda superesset. Quin & statim natus à parente suo abdicatus est Berengario.

Ad secundum: Christi corpus in cælo est visibiliter in forma humana, in altari est inuisibiliter sub speciebus. Et quoniam hîc ex Augustino pugnat aduersarius: adducam vnum & alterum ex Augustino locum ex infinitis, vt Augustinus Augustino respondeat, ipseque sui ipsius sit interpretes, atque Fulgentij. Ait ille. Norunt fideles

fideles quomodo manducent corpus Christi. Per partes quidem sumitur in sacramēto: & tamē totus permanet in coelo. Et rursus, hoc est quod dicimus, quod modis omnibus approbare cōtendimus. Sacrificium Ecclesiæ duobus confici, duobus constare, visibili elementorum specie, & inuisibili Domini nostri Iesu Christi carne & sanguine, sacramento, & re sacramenti, id est, corpore Christi. Hæc Augustinus.

*De ver-
do. & h-
betur de
Con. di.
cap. 2.
māduca-
In lib. 3.
ten. prof-
ri. & h-
betur
con. di. 2.
hoc est.*

Quod autem contendit egregius ille scripturarum interpretes, portas patefactas ad ingressum Iesu in discipulorum conclaue post eius resurrectionē. De quo apud Ioan- nem c. 20. negatque Euangelistam habere, quod ingressus sit ianuis clausis, impostura est luculentissima. Nam de ingressu octauę diei ita habet: Venit Iesus ianuis clausis, & stetit in medio. Quem locum nemo vnquam aliter est interpretatus, neque interpretari potuit, quā quod ingressus est clausis & inapertis ianuis, sicuti resurgens exierat clauso, obsignato, & inaperto monumento.

Ioan. 20.

Adde quod parum intelligit nouus hic theologus dōtes corporis gloriosi, dum ipsum elemētis facit obnoxium, vt vel car-

cere claudi possit, & teneri, aut pariete tenui ve arceri ostiolo, nihilóque vult esse expeditius, mortali adhuc Petri corpore, ex Herodis carceribus exeuntis.

Ad tertium. Quandoquidem clancularius ille scriptor testem citat Augustinum: feret, opinor, si eundem testem citauero, & cum eo vnum & alterum nihilo ipsi Augustino inferiores, superiores etiam tempore, vt in ore duorum aut trium testium stet omne verbum. Ait itaque Augustinus: Fideliter fatemur ante consecrationem panem esse & vinum, quod natura formauit: post consecrationem verò, carnem Christi & sanguinem, quod benedictio consecrauit. Item: Sicut per Spiritum sanctum vera Christi caro sine coitu creatur, ita per eundem ex substantia panis & vini idem corpus Christi & sanguis cōsecratur. Ambrosius tractans illud, Accipite & comedite: hoc est corpus meum. Si, inquit, tantum valuit sermo Helix, vt ignem de cœlo demitteret, non valebit tantum sermo Christi, vt substantias mutet? Item, Panis est in altari vsitatus ante verba sacra: vbi accessit consecratio, de pane fit caro Christi. Item, Si tanta vis est in sermone Domini, vt incipiāt esse quæ non

Math. 8.
In li. sent.
Prosperi. et
habetur
de con. di.
2. ca. Nos
autem.
Habetur
de con. di.
2. ca. utrū
sub figur. a.
Lib. de iis
qui myst.
initiantur
c. 9.
Lib. 4. de
sacramētis
c. 4. & ha
betur de
cō. di. 2. ca.
Panis est.
Eodem c.

quæ non erant, quanto magis operatorius est ut sint quæ erant, & in aliud commutentur? Et sic quod erat panis ante cōsecrationem iam corpus Christi est post cōsecrationem. Quia sermo Christi creaturam mutat, & sic ex pane fit corpus Christi, & vinum cū aqua missum in calice fit sanguis, cōsecratione verbi cœlestis.

Cyprianus marty'r, Panis iste quem Dominus discipulis porrigebat, nō effigie, sed natura mutatus, omnipotētia verbi factus est caro. Irenæus & ipse martyr. Quando & mixtus calix & fractus panis percipit verbum Dei, fit Eucharistia corporis & sanguinis Christi. Accedat & Eusebius Emisenus. Inuisibilis sacerdos, inquit, visibiles creaturas in substantiam corporis & sanguinis sui, verbo suo, secreta potestate commutat. Sed iam egredior fines compendij.

In sermo. de Cæna Domini. Lib. 5. aduer. heres. Habetur de con. di. 2. ca. Quia corpus.

Ecce ex pane & vino Christi corpus & sanguinem confici. Panis, inquam, & vini substantiam, in substantiam corporis & sanguinis Christi mutari. Porro quum ita sit: quid incongrui est si huiusmodi substantiæ in substantiam transitus dicatur transsubstantiatio, uti transitus formæ in formā dicitur transformatio, mutatio figuræ in

figurā dicitur transfiguratio, vt quod pluribus diceretur, vnico dicatur verbo, vel recens adinuento? Tametsi non ita recens est transsubstantiationis vocabulum. Eo vsi sunt atque in hanc rem ante annos trecentos & quinquaginta, mille & trecenti Patres in Lateranensi concilio, Verum Christi corpus, inquit concilium, & sanguis in sacramento altaris sub speciebus panis & vini veraciter continentur, transsubstantiatis pane in corpus, & vino in sanguinem potestate diuina.

Cæterum quod nonnunquam in scripturis dicitur panis, iam facta consecratione, denominatio est à præexistente materia nō insueta scripturæ. Sic in Exodo, coluber & dracones facti per transmutationem virgarum Aaronis, & maleficorum Pharaonis, dicti sunt virgæ: quum iam virgæ non essent, sed coluber verus: & dracones ex virgis. Deuorauit, inquit textus, virga Aarō virgas eorum. Sic apud Ioannem, Vinum ex aquæ transmutatione factum in nuptiis, dictum est aqua, quum iam aqua non esset, sed vinum merum ex aquæ transmutatione factum, Dum gustasset (inquit Euāgelista) Architriclinus aquā vinum factam, dixit

dixit spóso, &c. Nō sequitur ergo, id quod habetur in altari, consecratione facta, dictū est panis: ergo panis est, non corpus Christi: sicut non sequitur, serpentes illi facta transmutatione dicti sunt virgæ: ergo virgæ erant, non serpentes. Vinum illud transmutatione facta dictū est aqua, ergo aqua erat, non vinum.

Quod autem obiicit de corrosione & corruptione. Corrumpi quidem possunt species, sed non Christi corpus, quod abest mox corruptis quoquomodo speciebus. Nec cedit magis in detrimentum dignitatis corporis Christi, si species quibus subest rodantur à bruto: quàm quum permittit idem suum corpus à sceleratis hominibus, quouis bruto turpioribus, tangi, cædi, crucifigi.

Ad quartum. Quos asserit scriptor ille fructus esse suæ dominicæ cœnæ, ij profecto sunt dignæ celebrationis sacre missæ, sumptionisque sacrosanctæ Eucharistiæ, quæ haud dubiè vera est dominica cœna.

Qui plura videre volet, collectim aduersus istam sacramentariam insaniem legat Rossensem Episcopum, Ioannem Ecquium, cæterosque qui hoc nostro tempo-

re, quo iste ab inferis reuocatus error, in eū
integra scripsere volumina.

Maledicentiis insolentibus, blasphemis
execrandis, manifestis calumniis, subfan-
nationibus impudentibus, infamibus pro-
bris, quibus toti illi quatuor suffarcinati
sunt articuli, non censui respondendum.
Misere scēdum potius hominis malè sani;
cuius impotens stomachus tantum spurci-
tiarum vno euomuerit hiatu: (1)

EXTRAICT DES Registres de Parlement.

La Court ayant esgard à la requeste à elle présentée par Nicolas Chesneau Libraire en l'université de Paris, à ce qu'il luy fust par ladiète Court permis imprimer & exposer en vente, un petit liure, intitulé Brieue responce aux quatre articles cōtre la Messe, publiées par vn auteur incogneu, à la foyre de Guybray, 1560. Composé par René des Freuz, religieux de l'ordre saint Benoit, & Docteur en Theologie à Paris. La Court, apres auoir veu la certification de deux Docteurs Regens en la Faculté de Theologie à Paris, qui l'ont iugé & approuué catholique, & digne d'estre imprimé, a permis & permet audict Chesneau, l'impression & vente dudiect liure, tant en Latin qu'en François. Et a inhibé & defendu ladiète Court à tous autres Libraires & Imprimeurs, d'imprimer, ny vendre autres que ceux que lediect Chesneau aura fait imprimer, pendāt le temps & terme de quatre ans, Sur peine de confiscatiō de ce qui s'en trouuera d'imprimé ou vendu au contraire, & d'amende arbitraire.

Fait en Parlement à Paris, le 15. de Mars, Mil cinq cens soixante.

Signé DV TILLET.

DE
MVLTIPLICI

H A E R E T I C O R V M

T E N T A T I O N E ,

P E R I O . V A C Q V E R I V M

Roiensem, Societatis Sorbonicae

Doctorem .

C V I A C C E S S I T S E R M O

per eundem habitus, in baptismo duorum
adolescentum terræ Almericæ.

*Fili mi, si te lactauerint peccatores, ne
acquiescas eis. Prouerb. I.*



P A R I S I I S

Per Nicolaum Chesneau, in AEdibus Claudij Fremy,
via Iacobæa, sub signo diui Martini.

M. D. L X I


C V M P R I V I L E G I O .

EXTRAICT DES
registres de Parlement.


LA COURT ayant esgard à la requeste à elle présentée par Claude Fremy & Nicolas Chesneau Libraires en l'vniuersité de Paris: à ce qu'il leur fust permis imprimer & exposer en vente ce present liure, intitulé De multiplici hæreticorum tentatione, per Ioan. Vacquerium Roïensem, societatis Sorbonicæ Doctore. Cui accessit sermo per eundem habitus, in baptismo duorum adolescentum terræ Almericæ. Ladite Court, après auoir veu la certification des Docteurs en Theologie, regens en l'vniuersité de Paris, qui l'ont veu, visité & approuué catholique: a permis & permet ausdictz Fremy & Chesneau, l'impression & vente dudit liure. Et a inhibé & defendu à tous autres Libraires & Imprimeurs de l'imprimer, & moins exposer en vente, iusques au temps & terme de trois ans finis & accomplis: sur peine de confiscation des liures qui se trouueroyent imprimez par sus ladite defense, & d'amende arbitraire. Faict en Parlement à Paris le 11. iour de Ianuier, M. D. LIX.

Signé C A M V S.

*Stude sapientiæ fili mi, & latifica cor
meum, vt possis exprobranti respon-
dere sermonem. Prouerb. 27.*



REVERENDISSIMO IN
CHRISTO PATRI, ATQVE
Illustrissimo Principi, Carolo
Cardinali Lotharingo sem-
per Augusto, Io. Vac-
querius, salutem.

 *Um ineunte Quadrage-
sima præclarā illam &
vniuerso orbi iucundis-
simam legationem pro
confæderandis Regibus
Christianis obires, Reuerendissime Cardi-
nalis, & semper mihi obseruande Mæce-
nas, prospectabam si quod argumenti ge-
nus daretur, quo tibi cum pace reuertenti
gratulari possem. Occurrit autem stupēdus
ille tentationis conflictus, quo Satanas
Christi Domini diuinitatem explorare vo-*

luit: iuxta cuius formam hereticorum
næniae & friuolas obiectiones (quæ non
aliunde quàm ab ipso demone profiscun-
tur) in hac eadem tria capita quasi in
neptunium tridentē reuocare studui: illis
suam solutionem ex sanctissimis eiusdem
Christi responsis adferens. Vt hinc facile
quibuslibet, cū simplicibus tū doctis,
patere queat quàm inefficaces atque inuti-
les sint, nec ita solutu difficiles viro pio &
catholico eorum rationes: qui sese aduersus
dominum & aduersus Christum eius ar-
mant. Hoc igitur quantulumcunque est
operæ nostræ, tibi sapientissimo pacis &
concordiæ patrono nuncupo, quo sic agno-
scat reuerendissima atque illustrissima di-
gnitas tua nunquā inter morituram apud
me tuorum beneficiorum memoriam.

Bene valeat & semper floreat eximia
sanctitas tua. Datum Farae monasterij,
xviij. Calend. Maij. 1559.



P R Æ F A T I O.



V S Q V E hodie aduersarius noster diabolus circuit, tanquam leo rugiens per angiportus, & obliqua viarum, iuxta tabernacula pastorum Ecclesiæ Christi, quærens quem deuoret: qui mundo & carne comitibus, quanquam pluries à Salvatore nostro sanctisque patribus fusus prostratusque fuerit, nihilominus (vt est pertinax in nostrum excidium) pugnam subinde instaurat, non ita dissimilem certè vno tempore atque alio: nec lassatur aut defatiscit vnquam ab oppugnanda hominum salute hic noster capitalis atque insensibilis hostis. Verùm quasi nunc primum, orta sint dissidiorum incendia, vel nuper inter nos & illum conelamatum sit bellum, duriter ac hostiliter nos impetit, & perdere conatur: permanētibz adhuc in eo illis irarum stimulis, quibus agitatus sanctum apostolorum Senatum infestare parabat, cum instante passione dominus dixit Petro: Simon, ecce expetiuit vos Satanas vt cribraret sicut triticum: veruntamen rogaui pro te, vt non deficiat fides tua: & tu aliquando conuersus confirma fratres tuos. Ex cuius scripti occasione simul & tentatione illa triplici, qua Christum Ecclesiæ caput, & summum politiæ Christianæ principem aggressus est, studioso lectori nobis in animo est commonstrare, qualiter hoc nostro seculo nobis per hæreticos familiares ac domesticos hostes, eosdē propemodum insultus, eadēque spicula proponat: quibus olim ipsum Ecclesiæ caput impetebat. Imò verò (ni fallor) hæreticos & apostatas fugitiuosque istos tanquam vim externæ militiæ sibi adiunxit serpens ille & draco antiquus, sperans se iis mi-

1. Pet. 5.

Luc. 22.

Matth. 4.

P R A E F A T I O.

Matth. 12. nostris autoribus facilius de Ecclesia triumphaturum: Non aliter quàm legimus Matth. 12. spiritum immundum ab homine pulsum, quando non inueniebat requiem: sibi auxilij gratia, assumpsisse alios spiritus septem nequiores se, quatenus iis veluti subalaribus praesidiis domum vnde exturbatus fuerat recuperaret. Vtitur itaque diabolus iis nostris domesticis hostibus pro fortissimo cornu & praesidio legionum suarum aduersus seruos Dei: qui ideo fortius deteriusque vulnerant, quia minus cauentur: & non hostes, sed amici esse creduntur. Quapropter hoc breui quod apparamus opusculo, operæ precium nos facturos putamus, si certo statutoque ordine impietatis argumenta quibus isti incumbunt retexuerimus, ac deinde eorundem impetum verbo domini retundentes, militiae nostræ pugiles doceamus insidias ferruginatæ pietatis huius vitare: ne se temerè infidelibus & perfidis viris credant. Quod dum tibi elaboramus, ô studiose lector, vide quæso ne aduersariis fidei & religionis nostræ plus tribuas, quàm sanctis atque orthodoxis patribus: sed (vt dignum est) vtrorumque proposita maturo iudicij æquilibrio perpende.



PRIMA CONGRESSIO

dirigitur contra appetitum
sensitium.

CAPVT PRIMVM.



SOLENT acies ad conflictum paratæ imprimis spectare qua parte hostilis cuneus sit infirmior. Et qui vrbes obsident, considerant quaminus instructæ munitæque fuerint: vt eo statim conuertant totius exercitus robur. Ad quorum exemplum serpens antiquus pro sua calliditate infirmiorē debilioremque animæ partem, id est appetitū sensitium oppugnat, summam & præcipuam occasionem nactus ex procliuitate eiusdem ad peccatum: de qua Genes. 8. Sensus & cogitatio cordis huma-

Genes. 8.

ni in malū prona sunt ab adolescentia sua.
 4. Hinc est quod Christum esurientem post
 quadragesimæ ieiunium iis verbis aggreditur: Si filius Dei es, dic ut lapides isti panes fiant. Quam methodum sequuti pseudoprophetæ nostri, ieiunia, cōtinentiam, castitatem, vota monastica, disciplinas, prostrationes, cilicia, & reliquos salutaris poenitentiae ritus passim cōdemnant: subinde obiectantes fidelibus Deum misericordem esse, nos suo precioso sanguine redemptos, in filios adoptasse promissionis: ob idque ista omnia non poenitentiae, sed diffidentiae esse opera: à filiis duntaxat requiri plenam in patris eximij bonitate fiduciam: non esse huius voluntatis ut per diem affligat homo animam suam, vel cōtorqueat quasi in circulū caput suum, faccum & cinerem sibi sternens. Itaque negligenda abhorredāque esse poenalia omnia satisfactionis opera, cū ipsa fiduciam in Deum minuere videātur, & ipse Christus integrè pro peccatoribus satisfecerit: sufficere ad salutē beatitudinēque cōelestem assequendā cum nuda fide in Deum, qualemcunque peccati displicentiam. His & similibus imposturis antichristi prae-
 fores

fores & satanæ ministri cōmonstrant perquam studiosè diuinam filiorū adoptionem, qua interueniente omnia Christianis vel ex solo nomine tuta sunt: seueritas legis in clementiam Euangelij, austeritatis durities in libertatis & misericordiæ dulcorem est conuersa: inuentis frugibus relinquendam glandem, nec temerè contemnenda esse Dei dona. Indulgédum vsquequaque animo, & Dei benedictionibus vtrobique perfruendum: quandiu sumus in corpore, non respuendam voluptatem nobis desuper à patre luminum concessam, qua & hic bestias, & beatos spiritus in cœlo recreat. Hæc sunt satanæ aucupia, etiam nunc Christo in suis membris insultantis: Si filius Dei es, dic vt lapides isti panes fiant. Nescis, Christiane, quia quando venit plenitudo tēporis, misit Deus filiū suū, factum ex muliere, factum sub lege, vt eos qui sub lege erant redimeret, & adoptionem filiorum Dei reciperemus? Cur in filium immensa illa Dei dignatione adoptatus adhuc porcorum siliquis hæres? seruilibus te contāminas epulis? & lapidem tibi pro dulci puluino sternis? orbitatis & castimonix tædia pro iucunditate maritali

Galat. 4.

li, languidum carnis marcorem & ieiunia,
 pro conuiuiorum delitiis tibi accommo-
 das? quin potius voluptatibus à deo in tuū
 solatium creatis perfrueris? & lapides istos
 in panum iucunditatem commutas? Dic,
 dic vt lapides isti panes fiāt, istis omnibus
 valedicēdo, & consuetum vitæ institutum
 mutādo: animò tuo impera, vt edat, ludat,
 bibat, amplexibúsq; indulgeat, & filios
 procréet in superuenturæ ac decrefcentis
 ætatis solatia. Nam & ipse Apostolus disci-
 pulo Timotheo, suadet vini potum, & iu-
 niores viduas vult nubere, filios procrea-
 re, ac matres familias esse. Et ad eundē scri-
 bens, illos condēnat qui in hypocrisi mēn-
 dacium loquentes prohibent nubere, vel
 præcipiūt abstinere à cibis quos Deus crea-
 uit, ad percipiendum fidelibus cum gratia
 rum actione. Obedientiæ quoque & pau-
 pertatis electiuæ propositum, lapides esse
 duros profitentur: à filiis Dei in panes li-
 bertatis à Christo donatæ conuertendos:
 temerarium & plenum præsumptionis iu-
 dicium esse homines sibi plura ad æternā
 vitam capeffendā facere necessaria, quam
 ipse Deus homini præstituit. Satius esse
 obedire Deo, quàm hominibus, in malè
 promissis

promissis rescindendam fidem, nec esse obligatoria contra bonos mores præstita iuramēta. Tali verborum ambage iunctis voluptatum illecebris monachis & sanctimonialibus persuadere conātur, vt abiecto in vrticas cucullo, complicatis pudicitiae velis, ac repudiato sanctæ professionis instituto, transuolent Genebam, Lauzanā, aut quolibet alio noua quadā atque inaudita libertate victuri. Libertas (inquiunt) nullo est auro vendibilis. At hæc (quā mihi promittitis) libertas, in seruitutem & subiectionem plusquam Pharaonicam tendit, Rursus captiuum Dei populum Babylonem ducit. Hic virgunculæ Deo consecratæ suggerunt illud Virgil.

*Sola ne perpetua mærens carpere iuuenta,
Nec dulces natos Veneris, nec fœdera noris?*

*Virgil. 4
Æneid.*

Mox fallacibus verbis ac promissis irritam abducturi, admonent de tollendis vel Ecclesiarum vel parētum suorum thesauris, id est de auferendis Ægyptiorum spoliis (sic enim Catholicos appellant) atque ita paratas dolo coniuges duplici sacrilegio infames traducunt: illis tamdiu v-furi, quādiu iniquæ & sacrilegæ dotis nūmus superfuerit.

Nam

uenal.

-- Nam apud illos

*Quantū quisque sua nummorum seruat in arca,
Tantum habet & fidei.*

Vt omittam quòd hīc quoque sæpe facies, non vxor amatur: quæ postquam vel per ætatem, vel per valetudinem defloruerit, tunc miseræ exprobrabitur nimium tussis, & nimium sæpè emungeris, alia nobis sicco naso quærenda.

Collige farcinulas dicet libertus, & exi.

Quapropter ô pulchra & speciosa virgo, quæ domus quoque patris oblita es, vt venires in amplexus Regis cœlorum, tam castos quàm beatos atque fœlices: noli annos tuos tradere crudelibus atque infidelibus viris. Et tu

rgil.in
acol.

*O formose puer nimium ne crede colori,
Alba ligustra cadunt, Vaccinia nigra leguntur.*

Monachos autem monialesque pauperes ad se diuertentes miris modis ludificant, & in Ecclesiæ catholicæ ordinumque suorum contumeliã, auctoritate publica coniugatos, cerdones lixasque sibi cõstituunt: quod reliquum est vitæ in summo luctu & squalore acturos. Hæc est illa voluptatis larua, quæ principio pauperculis atque infœlicibus blandiebatur. Sic consuevit eorum

rum pater diabolus tendiculas suas sterneret, vna manu panem monstrans, altera lapidem ad mactandum cælans. Hoc est voluptatis mundanæ ingeniū contra quā nos admonet iis versibus Christianus poëta:

-- *Non in sidiōsa voluptas*

Mantuan.

*Decipiat quenquā, blanda sub imagine semper
Ingreditur. Nardi succos, vnguenta, sapores
Mellifluos præfert: vultūque applaudit amico.
Sed nihil est sine fraude, latēt sub melle venena:
Quæ postquā imprudēs biberis, fugit illa repēre
Læta dolis, manet infixum sub pectore vulnus.*

Haud ita dissimili iaculo primos homines in paradiso petiit generis nostri osor: obii-
ciens cōtra diuinum præceptum ligni pul-
chritudinem ac suauitatem: Cur præcepit *Genes. 3.*
vobis Deus ne comederetis ex omni ligno
paradisi? Cur hoc vnum excepit gustu sua-
uissimum, & visu pulcherrimum? Cur ser-
pētibus & bestiis edere licet, homini crea-
turarum omnium dominatori non licet?
durum certè ac lapideum est hoc mandati
genus. Mox respondenti mulieri: Ne fortè
moriāmur, addidit: Nequaquam morie-
mini. Scit enim Deus quòd in quacunque
hora comederitis, aperientur oculi vestri,
& eritis sicut dij, scientes bonum & malū.

Hic

Hic est panis mēdacij, quo interueniente, lætale tandem vulnus inflixit: stola innocentiaē spoliatos, faucios, ac moribundos reliquit.

QVA RATIONE ELIDATUR hic primus tentationis hæreticæ insultus. Cap.2.



6uerb. 1.

dem 27.

ath. 4.
ntero. 8.

ELIMI, si te lactauerint hoc modo peccatores, volentes te à Dei & Ecclesiæ sanctæ obedientia retrahere, ne acquiescas eis: quin potius stude sapientiæ, & lætifica cor fidelium, atque orthodoxorum patrum, vt possis exprobranti diabolo fidelem veritatis respondere sermonem. Imò verò si vis aperi oculos tuos, & vide. Vide inquam, & agnosce, ac imitare Christum omnibus istis obiectis pro te respondentem: Non in solo pane viuit homo, sed in omni verbo quod egreditur de ore Dei. Nam hac vna breuissima periodo verbi dominici abundè vniuersa obiecta refelluntur. Quomodo enim non in solo pane materiali viuitur, sed in omni re quam

re quam Deus sua benignitate destinat homini pro viatico, siue hominem diuerso alimenti genere nutrire velit (quemadmodum Israclitas olim quadraginta annis manna celitus demisso nutriuit) siue bonitatis suæ dulcedine absque cibo robur hominis integrum seruet: (sicut in Helia, Moyse, Daniele & aliis plurimis accidisse creditur) ita vita spiritus & gratiæ diuersa media habet, nec duntaxat connubio aut eximia illa viuendi libertate quæ nobis proponitur via ad cœlum patet. Non negamus cōiugatis & solutis viris salutis viā: nec diffitemur meretricibus quoque & publicanis iter ad misericordiam & gratiam pandi, si relictā peccādi cōsuetudine illam quæsierint. Verūm non hæc vnica est via: nec ad cœlum ingredi volentibus necesse est coniugari: alioquin nec ipse Christus, nec Ioannes eius præcursor, nec alij prope innumerabiles cœlo ascripti essent, qui virgines fuerunt: quorum castitatem sequuntur in Ecclesia, qui sancto proposito integritatis seruandæ, sese Deo & Christo deuouentes vltro castrauerunt: qui nec cōiugatis salutē suam inuident, aut vllō modo præripere contendunt: verūm hac via
 se Dei

se Dei clementiam facilius conciliaturos
 sibi arbitratur, & veluti hac securiore bre-
 uioréque semita sibi ad coelos aditum pa-
 rari existimant. Hinc est multiplex illa (cu-
 ius meminit Christus Matth. 19.) Eunu-
 chorum differentia. Sunt (inquit) Eunu-
 chi qui sic nati sunt ex vtero matris, & sunt
 Eunuchi qui facti sunt ab hominibus, &
 sunt Eunuchi qui se castrauerunt propter
 regnum Dei: quos, scilicet Eunuchos, fecit
 nō necessitas, sed volūtas. Coniugatorū or-
 dinē nemo nisi stolidus vituperare aut re-
 probare potest, Deo instituēte atq; appro-
 bante nuptias. Genes. 2. Relinquet homo
 patrē & matrē, & adhærebit vxori suæ. Et
 Apostolo dicente: Si acceperis vxorē, non
 peccasti: & si nupserit virgo, non peccat.
 Ad quem modum dicere possum contra
 locūtuleios & blaterones nostros: Si conti-
 nuerit virgo, non peccat. Itaque neque ma-
 trimonium, neque castitatis propositum
 nos simpliciter saluos facit, sed impletio
 mandatorum Dei, & pietatis obseruantia.
 Potest tum virgo, tum coniugatus damna-
 ri, potest & saluari: saluabuntur autem si
 fideliter Deo obedierint, eius mandatum
 seruantes. Si vis ad vitam ingredi (inquit
 Christus)

Christus) serua mandata. Verùm iis stantibus, optat Apostolus Corinthios omnes suo exēplo coelibes viuere: & virgines sic permanere hortatur. tum quia melius est, tum etiam vt ablegata mundi cura cogitēt quæ sunt domini, & quomodo sint sanctæ corpore & spiritu. Qui matrimonio (inquit) iungit virginem suam, bene facit: & qui nō iungit, melius facit. Ordines varios ac differentes honorum gradus habet ciuilis status: & politia Christi, gradus suos honore perfectionēque distinctos habet. Dā nabilis cōcubinatus, & fornicatio omnis, honorabiles nuptiæ, & thorus immaculatus: sed virginitas excellētia atque dignitate præcellit: quam & sua natiuitate consecrauit, & vita comprobauit Christus dominus. Cui ex annexis subscribēs apostolus, ait: Volo vos sine sollicitudine esse. Qui sine vxore est, sollicitus est quæ domini sunt, quomodo placeat Deo. Qui autē cum vxore est, sollicitus est quæ sunt mundi, quomodo placeat vxori, & diuisus est. Et mulier innupta & virgo cogitat quæ domini sunt, vt sit sancta corpore & spiritu: Quæ autem nupta est, cogitat quæ sunt mundi, quomodo placeat viro. Quam vir-

1. Cor. 7.

Heber. 11

Matth. 2.

1. Cor. 7.

B

ginitatis

Esa. 56.

ginitatis Christianæ eminentiam præsentens diuinus ille Esaias, Nō dicat (inquit) Eunuchus: Ego lignum aridum: quia hæc dicit Dominus Eunuchis. Qui custodierint sabbata mea, & elegerint quæ ego volui, & tenuerint fœdus meum, dabo eis in domo mea, & in muris meis locum & nomen melius à filiis & filiabus. Nomen semperiternum dabo eis, quod non peribit. Porro quod scribit Apostolus, si nupserit virgō, non peccat: intelligere oportet de iis quæ nulla districtione voti obligantur, & sui sunt iuris. Nam ex quo quis sanctè castitatem vouit, ab instituto, & hoc sancto castimonix proposito, illi multominus resiliire licet, quàm vxori recedere à viro. Quæ enim votis sacris astricta est, Deo desponsata coniunctaque esse meritò censetur: ob idque si homini carnali commercio iungatur, non modò adultera, verum etiam sacrilega iure omni reputatur: nisi fortè hæreticus hoc loco fateri velit fidem quidem homini datam obligare, sed non eam quæ Deo præstatur: quod etiam atque etiam absurdum foret. Proinde vtriusque sexus apostatæ, qui fidem Christo datam fallentes, nouos non dicam sponso, sed concubinos

concupinos concubinâsve sibi asciscunt,
iusta ratione sacrilegij reatu arguuntur.
Hoc nobiscum sensit (quanquam Æthni-
cus atque idolorum cultor) Domitianus
Romanorum Imperator: qui Corneliam
Vestaliū maximā viūā terra defodi
iussit, propter admissum incestum: stupra-
tores verò illius in Comitio virginis cedi vs-
que ad mortem curauit. Non est igitur
quod tenebriones nostri temporis pud-
icitiae & castitatis osores, & impuri Anti-
christi præcursores, Heluidij veteris im-
pietatis magistri, commēta iam iam sepul-
ta, & rationibus euidentissimis à beato
Hieronimo cōfutata ab inferis reuocent:
& intantum blandiantur nuptiis, vt scelus
existiment virginem esse. Helias virgo e-
rat, Heliseus virgo, Sybillæ virgines, Athe-
nienses atque Romanorum Mystæ virgi-
nes: Ioannes baptista virgo, & Hieremias
in vtero sanctificatus captiuitate propin-
qua vxorem capere prohibetur: & adhuc
iudicatur scelestā virginitas? Immo verò
(inquit Hieronymus) tātum discriminis,
excellentiæ atque dignitatis est inter nu-
ptias & virginitatem, quantum inter non
peccare & benefacere. Non cōdemnamus

*Sueton. in
Domitia.*

*Hierony.
contra Io-
uinianum
lib. I.*

(ait) nuptias, sed ita illas recipimus, ut virginitatem quæ de nuptiis nascitur, præferamus. Nunquid argentum non erit argentum, si aurum argento preciosius? aut arboris & segetis contumelia est, si radici & foliis, culmo & aristis poma præferuntur & fructus? quemadmodum enim poma ex arbore, & frumentum è stipula; ita virginitas è nuptiis. Quibus si nõ præcelleret, nõquam Matthæus apostolus Iphigeniam Ægippi Æthiopum regis filiam, Christi sponsam ab Hyrtaci connubio retraxisset: nõquam illa quæ Apostoli consilio vfa, in suo corpore cõcupiscentiæ ardores extinxerat, cum socio virginum collegio materialibus flammis erepta fuisset, incensa tyranni petulantis regia. Quid hîc Dariam virginẽ, Martham, Petronillam, Drusillam, Margaretã, Luciam Siracusanam, Columbam Senonensem, Teclam, Agnetem, Barbaram, Agatham, Martinam, Hyrenem, Catarinam, & alias prope innumeras memorem? quarum integritas Dei munere variis ac mirabilibus modis protecta defensaque fuit: adeo ut ignes, leones, vrsi, atque ipsa lupanarium penetralia pudoris virginici reuerentia, non solum illis parcerent, sed

rent, sed & earundem pudicitiam tutarentur: accedentibus plerunque angelorum (qui & ipsi virgines sunt, & casti virginū amatores) præsidiis. Quibus exēplis tyrānis atque sapientibus huius mundi facile innotuit virginitatē Deo imprimis charā esse, & castimoniae studia illi supramodū probari. Qui cum in cœlesti patria & regia sua, nuptiarum fœdera non admittat, virginibus solis summæ celebritatis canticum veluti prærogatiua quadam reserua-
uit. Nemo (inquit Iohannes) poterat di- *Apocal. i*
cere canticum, nisi illa centum quadraginta quatuor millia qui empti sunt de terra. Hi sunt qui cum mulieribus non sunt co-
inquinati: virgines enim sunt. Neque verò hîc mihi cum hæreticis conuenit, neque adducar vnquam vt credam in nuptiis minus esse turbarum atq; afflictionis, quàm in sancto cœlibatus proposito: ob quod lapidis nomine nobis censeatur castitas, ac panis dulcedine matrimonium: Apostolo reclamante, ac dicente de coniugibus: Tri-
bulationem tamen carnis habebunt huius- *i. Cor. 7.*
modi. Cui subscribens Hierony. to. 3. ad Heluidium: Idē tu putas esse diebus ac noctibus vacare orationi & ieiuniis libere?

Hierony.

atque ad mariti aduētum expolire faciem, gressum frangere, simulare bláditias? Virgo sancta hoc agit, vt turpior hominibus appareat, & naturæ bonū infuscet iniuria: omnis enim gloria eius ab intus: exterius nigra atq; despecta, sed intrinsecus sponso cui se probauit, formosa parens. Quæ autem viro alligata est, ad speculum pingitur stibio ac cerusa: & in contumeliam artificis conatur pulchrior esse quàm nata est. Inde infantes garriunt, familia perstrepat, liberi ab osculis & ab ore pēdent, cōputantur sumptus, impendia præparantur: hinc coquorum textricūque murmura, nunciatur interim vir cum sociis venisse, illa ad hirundinis modum lustrat vniuersa penetralia: si thorus rigeat, si pauimenta vererint, si ornata sint pocula, si prædium bene decentérque paratum. Dic mihi quæso inter ista vbi sit, aut quomodo esse possit Dei cogitatio? Et hæc fœlices domus. Ceterum vbi tympana sonant, tibia clamitat, lyra garrit, cymbalum concrepat, quis ibi Dei timor? Parasitus in contumeliis gloriatur, ingrediuntur expolitæ libidinum victimæ, & tenuitate vestium nudæ impudicis lasciuiantum oculis ingeruntur. His

in fœlix

infelix vxor, aut lætatur, & perit: aut offenditur, & cruciatur: marito in iram & contumeliam excandesciente atque infaniente, & repudia animo meditante. Hæ certè sunt coniugatorum non delitiæ, sed spinæ: hi non deliciarum (sicut impudenter ementiuntur maligni) panes sunt, sed præduri ærumnarum lapides. Cõtra quos beatæ castitatis laudem atque iucunditatem iis paucis versibus graphicè admodum nobis explicuit Naumachius:

Pulchrum sanè est corpus habere castum, indo- *Nauma-*
mitámque manere *chius.*

Virginem: & puris cogitationibus perpetuò
gaudere,

Nec onus laboriosa circa ilia ferentem,

Neque tremẽtẽ suspiriosas Lucinæ parturigines:

Sed permanere quasi reginam inter mulieres,

Splendidũ animæ oculum ad illã vitã emittẽdo,

In qua gloriosæ & Veræ sunt nuptiæ: Vbi concupita

Diuini verbi lumine plenas meditationes parit.

Iis itaque ponderatis, ô sponsa Christi, recognosce status conditionisque tuæ excellentiam: nec te istis lenonum lenarumque & apostatarum fugitiuorum susurris vel clamoribus abduci seducique permit-

rego. Na-
anz. e. o-
t. 29.

tas: ducunt enim ad mortē & præcipitium
barathri eorum gressus. Te regis cælesti
sponsam de summo dignitatis gradu ad
scorti vilitatem traducere volunt. Et pre-
cium scorti (autore Sapiente) nō est vnius
panis. Miserrima nimirū erit commuta-
tio, si de sponsa Dei efficiaris prostibulum
& mancipium diaboli. Ne acquiescas ma-
lignis. Quin potius Nazianzeni hortatu
spōsum tuum cœlestem semper glorifica.
Mundum & mundana omnia pedibus cal-
cans, cōsectare animo Christum ascenden-
tem in cœlum. & in monte saluum te fac,
ad Sodomam ne respexeris, ne infatuata &
corde euanesces, in salis fatui statuam ob-
durescas. Non nimium te carnis fragilis
perterreat natura: nec tamen nimium tibi
confidas, ne aliquando deficias. Scintilla
accendit thalamum, aqua verò flammam
extinguit. Dei timor te solidet, ieiunium
te attenuet. Vigiliæ tēporariæ, lachrymæ,
strati durities, amor totus ad Deum ritē or-
dinatus, & qui omne desiderium à super-
nis alienum sopiat. Vestē tuam sordidam,
ac comam squalidam plusquam margari-
tas aut ornatum veneror sericum. Pulcher
flos est verecundia, & ornamentum non
mediocre

mediocre, abſtinentię pallor. Virorú aſpectum fuge: & ſi fas eſt, caſtorum quoque: ne forſan vulnereris, vel ipſa vulneres. Oculú pro oculo ne reddito: nec ſermonem connectito ſermoni. Non gena genis audaciam tribuat. Sed & hoc audi virgo, nequaquam illi qui præeſt cohabita, cùm Chriſtum habeas ſponſum, qui ob puritatem tuam zelotypus exiſtit, gloriam ſuam alteri dari nō permittit. Hæc ille quæ ſummatim explicant voluntatem ſponſi illius cæleſtis, te ad ſui amorē benignè per prophetam inuitatis. Audi filia, & vide, & in- *Pſalm. 44*
clina aurem tuam, & obliuiſcere populum tuum, & domum patris tui, & concupiſcet Rex decorē tuum. Virginalis pudicitia eſt cogitare quæ Dei ſunt, quomodo placeat Deo, regnum mundi, ornatúmque ſeculi contemnere, hominum gratiam negligere, ſibi autem perſuadere ſatis eſſe, ſi regina regi placeat ſuo. Neque verò temeritatis opus eſt (vt comminiſcitur impietas) ſed gratitudinis & exuberantis in Deum pietatis, cùm homo ſeſe voto & iureiurando ad opera conſilij & perfectionis obligat, commutans libertatem carnis in neceſſitatem ſalutis. Quinimo hoc religionis genus

nus sacrificij pulcherrimi formam retinet, quo homo sese totum Deo offert, & consecrat in odorem suauitatis, moriens hinc sibi & mundo, vt foelicius Christo & Deo viuatur. Hanc calumniam iam pridem resoluit propheta & rex sanctissimus David, *Psal. 117.* cum ait: Iuravi & statui custodire iudicia iustitiæ tuæ, qui proculdubio nunquam super salutare statutum iurasset, si vouere, & sese quoquomodo obligatiorem Deo reddere temerarium esset: alioqui nec hominibus quicquam promittere, iurare vel liceret, quandoquidem ipso polliciti iuramento, vel etiam nudo promisso in licitis & honestis, necessitatem exonerandæ fidei sibi quisque constituit: atque superaddit ad salutem necessariam.

Quod autem ad cordis compunctionem & cætera pœnalia satisfactionis opera pertinet, nihil aut certè minimū momenti habet aduersariorum ratio. Nam tametsi nos redemerit & nobis satisfecerit Christus: non possumus tamen aliter in satisfactionis huius participium communicationemque venire, quàm eidem compatiendo & commoriendo: quandoquidem & Christus ipse Apostolos ad Euangelij, munus

nus delegans, eisdem præcepit vt pœnitentiam prædicarent, & ipse testimonio *Marci 1.* Marci suis concionibus ad populum eandem vnice commédauit. Postquàm traditus est Iohannes (inquit ille) venit Iesus in Galileam prædicans Euangelium regni Dei, & dicēs, Quoniam adimpletum est tempus, & appropinquabit regnum Dei, Pœnite-mini & credite Euágelio. Et Petrus *Act. 2.* *Act. 2.* Iudæis corde compunctis propter damnationem Christi interrogantibus, quid facto opus esset ad salutem consequendam? pœnitentiam (inquit) agite & baptizetur vnusquisque vestrùm in nomine domini Iesu Christi, in remissionem peccatorum vestrorum. Ad hæc Iohannes in sua Apocalypsi Episcopum Ephesinum iis verbis *Apoc. 2.* *Apoc. 2.* ad pœnitentiam inuitat. Memor esto vnde excideris & age pœnitentiam, & prima opera fac. Si autem veniam tibi cito & tollam candelabrum tuum de manu tua, nisi pœnitentiam egeris. Istud ipsum multò euidentius nobis explanat Diuus Iacobus in Canonica. Emundate manus peccatores *Iacobi 4.* *Iacobi 4.* & purificate corda duplices animo. Miseri estote & lugete & plorate: Risus vester in luctum conuertatur & gaudium in mœrorem

rorem. Hæc est illa crux quam nobis idem
 proposuit Christus post se portandam, in-
 quiens: Qui vult venire post me, abneget
 semetipsum & tollat crucem suam & se-
 quatur me. Hæc est sancta ac pietatis plena
 violentia, in qua nobis à diebus Iohannis
 proponitur, Rapiendum regnũ cœlorum:
 quam etiamnum lubenti animo comple-
 xus Paulus ait. Ego igitur sic curro, non
 quasi in incertum: sic pugno, non quasi æ-
 rem verberans: sed castigo corpus meum
 & in seruitutem redigo: ne fortè cum aliis
 prædicauerim, ipse reprobus efficiar. Neq;
 enim vlla alia ratione, melius carnem spi-
 ritui rebellem domare possumus, quàm iis
 pœnitentiæ atque abstinentiæ (vt tuo ver-
 bo utar) lapidibus. His olim consiliis Hie-
 ronymus, Benedictus, Franciscus & reli-
 qua anachoritarum turba, lasciuientis car-
 nis petulantiam compescebant: modo spi-
 narum aculeis, modo niue & rigore glacia-
 li, modo flagellis, inedia, cilicio, duris lapi-
 dũ ictibus, & similibus quæ pietatis stu-
 dium suggerebat ad id vtentes. Quidam
 digitum in lucerna adurendo perichitante
 pudicitiam seruauit: & ignem igne suffo-
 cavit. Monebatur Paula (autore Hieron.)

vt

vt parceret oculis & eos seruaret Euangelicæ lectioni: quæ respondit. Turpanda est facies quam contra Dei præceptum purpurisso, cerusa & stibio sæpe depinxi: affligendū corpus quod multis sæpe vacauit delitiis, Longus risus, perpeti compensandus est luctu: Mollia lintheamina & serica præciosissima, asperitate cilicij commutanda: quæ viro & seculo placui, nūc Christo placere desidero. Idem propemodum prius fecerat beata illa peccatrix: quæ fletibus Domini pedes rigando, & capillis capitis sui detergendo, nouo officij atque pictatis genere, peccatorum quoque suorū maculas absterlit. Non sunt itaque (sicut comminiscuntur pseudoapostoli) hæc diffidentię opera, sed prudentiæ ac iustitię, quibus reatus nostros in præsentī seculo hoc modo diluentes & punientes, vindices domini scutiras præueniendo, iudicij diuini seueritatem euadimus. Cuius examinis fructus senserat Apostolus cum ait: Si nosmetipsos diiudicemus, non vtique iudicemur. His quondam modis prolōgata regis Ezechię vita: Iis exterminatio domus cruenti Achab prorogata, iis Niniues prohibita subuersio: quorum defectu

immis-

1. Cor. I.

immisſum fuiſſe terris aquarũ diluuium,
& Penthapolim igne & ſulphure deflu-
xiſſe ſcripturis conſtat. Itaque prophetico
ſuaſu, labori aſſueſcendum ac durandum
eſt nobis, aurẽſque noſtras ſpinis tribula-
tionum ſepire oportet: ne nos Syrenũ can-
tus voluptatũque ſeculi blandimenta in
mortem corporis atque animę protrahãt.

*Mantua. Sæpius à placitis mens eſt arcenda, diũque
Seruitio duranda graui: nam prona ſequaxque
In peiora ruit: niſi lora retraxerit uſus.*

*Aſt ubi iam legis patiens, aſſuetãque vinclis,
Seſſori parere poteſt, quo iuſſeris ibit:*

*Tunc ubi tempus crit caſu cum triſtis acerbo
Sors aderit, fert æquales rationis habenas.*

Antè negat, velut indomita cernice iuuenus:

*Aut ſternacis equi ſoboles animoſa, priuſquam
Impoſito ſcierit greſſum glomerare magiſtro:*

*Ars ubi poſſeſſam mentem complexa ſubegit,
Quo virtus, quo ſancta vocant oracula, vertet.*

Nam neque tũc labor eſt duros tolerare labores.

Chriſtus ſuis proponit crucem, perfecutionem, irriſiones, opprobria, mortes, infamiã, exilia, & cũcta id genus: Et tu Chriſtianus de grege, ſed non in grege, pro iis omnibus ſuades amplectendum voluptatem & vitę iucũditatem? Heu quàm diſſi-

miles

miles voces:abnega temetipsum:tolle cruce-
 cem tuam, ac sequere me:& voluptatibus
 indulge, ventrē adora, exosculare brachiū,
 imple delitiis quibuscunque animum. Su-
 spectam (vt verum fatear) habeo isthanc
 nouam atque inauditam doctrinam. Non
 te audio . Audiam potius quid loquatur
 in me dominus Deus, quàm quid loqua-
 tur in te diabolus. Deo potius quàm ho-
 minibus parendum. Sequar Prophetę cō-
 silium. Propter verba labiorum tuorum *Psal. 16.*
 ego custodiui vias duras. Eligam viam cu-
 ius principia quidē ardua: & difficilia, sed
 nouissima perducunt ad paradisi delitias.
 A viis vestris (quę tametli mundo & ho-
 minibus rectē videātur, nouissima tamen
 earum ducunt ad mortem) quasi ab angue
 morsus pedem referam. Verūm quando
 lapidei atque dementati & saxei homines,
 nobis virtutis & salutis opera lapides fa-
 ciunt, ne crucis dominicę ignominiam pa-
 tiantur, ostendamus quęso, nō vsque adeo
 laboriosam esse virtutem, quin sua solatia
 habeat, haud scio si non etiam plura, verio-
 ra, & maiora, quàm omnes mundi illece-
 brę adferre possunt. Atque primū hīc
 mihi expande quantum oblectamenti prę-
 se ferat

se ferat animus sibi bene conscius: qui nullo syndere seos flagello, intus torquetur: sed summa in Deum & proximum charitate dilatatur: non minus in tribulationibus & cōtumeliis quas pro Christi nomine patitur gaudēs, quàm cū coelestia dona & spiritu sancti charismata percipit. Quaratione & ipsi principes Ecclesiæ Apostoli, post verbera, ibant gaudentes à conspectu consilij, quoniam digni habiti sunt pro nomine Iesu cōtumeliam pati. Profer

Præerb. 15. (si potes) ex tua Babilone delitias & voluptatem huic similem. Voluptatem dico quæ nec tormentorum acerbitate, nec ipso mortis horrore minui queat. Secura mens, inquit Sapiens, quasi iuge cōuiuium. cum ex opposito nihil minus quietum stabile, irrequietius instabiliusve dari possit animo sibi malè conscio. Iussit enim Dominus & ita est (Augustino teste) ut omnis inordinatus affectus sibi ipsi pœna sit: & iamiam secum habeat ac secum quocūque pergat suum infernum trahat, sicut & testudo domum qua regitur. Vbi enim cogitationes meæ dissipatæ sunt torquentes cor meū, certè si sustinuero, infernus domus mea est: & in tenebris lectulus meus.

Sic Adam,

*Augu. lib.
confr.*

Sic Adam, Cayn, & Lamech, à propria cōscientia redarguti, sese abscondunt: & trepidantes à Dei iudicio formidant: Sic fratres Ioseph coniurationis præteritæ recordatio pluries constrinxit. Sic scelesti & facinorosi omnes ad cuiuslibet occursum pauent, ac prope exanimantur, fulgur è vitro trepidantes, & contremiscentes. Hæc si quidem est peccati cōsuetudo, vt priusquā fiat, mentem obtenebret: postquam autem ad opus ipsum peruenit, manifestè suā nobis absurditatem mōstret, qua torqueatur animus & brevis illa voluptas continuo menti dolorem ingerat. Hoc cum Philosophis senserunt veteres Poëtæ. Ille maxime qui dicebat:

Pœnitet. ô siquid miserorum creditur vlli,

*Ouidius
de Ponto.*

Pœnitet: & facto torquere ipse meo.

Cūque sit exiliū, magis est mihi culpa dolori:

Estque pati pœnam quàm meruisse minus.

Mors faciet certè ne sim cū venerit, exul:

Ne non peccarim mors quoque non faciet.

In quam sententiam Satyrographus.

*Iuuenal.
Satyr.*

Exemplo quodcunque malo committitur, ipsi

Displicet auctori. prima est hæc vltio, quòd se

Iudice nemo nocens absolvitur: improba quāuis

Gratia prætoris fallacis vicerit vnam.

C

Et

Et paucis interiectis:

-- Cur tamen hos tu

Euasisse putes quos diu conscia facti

Mens habet attonitos, & surdo verberare cedit:

Occultum quatiente animo tortore flagellum.

Pœna tamen vehemens, & multo scior illis

Quas & Ceditius grauis inuenit, & Rhadamantus,

Nocte dièque suum gestare in corpore testem.

Vnde manifestum cuilibet euadit sicut nihil est quod vsqueadeo homines ad virtutem capeffendam excitare debet, quàm ipsa virtutis dignitas atque honestas: Ita nihil à vitiis tantum retrahere debere, quàm ipsam vitiorum turpitudinem: & eam quæ illis est annexa mordentis conscientie turam. Proinde non hîc nobis obtendat lapideus & obduratus animus, vt de lapidibus poenitentiae faciamus illecebrosæ voluptatis panes aut deliciarum placentas: quin potius ipsi de mendaciorum suorum furfuraceis panibus, per resipiscentiam & mentis compunctionem redeant ad panem vitæ & intellectus sinceri: recognoscentes nobiscum Deum iustum perinde ac misericordem: & liberè profitentes iuxta saluatoris pronunciatum, quia non in solo pane

ne viuit homo, sed in omni verbo quod egreditur de ore Dei.

TENTATIO SECVNDA

quæ est Superbiæ & Præsumptionis contra appetitum rationalem. Cap. 3.

REPVLSA retusâque primi congressus acie, instaurat callidus hostis pugnam, & alia parte insultâs scripturæ quoque ac verbi Dei quo antea elusus fuerat gladium, sed ferruginatum sibi accingit conflictum integraturus. Si filius Dei es *Matth. 4.* (inquit Christo assumpto & posito super pinnam templi) mitte te deorsum: Scriptû est enim, angelis suis Deus mādauit de te, *Psalm. 90.* & in manibus tollent te, ne fortè offendas ad lapidem pedem tuum. Ad quem modû hæretici & Pseudoprophetæ nostri temporis, miseros & nimium credulos homines deludere solent, manibus pedibûsque attollentes rationalis creature dignitatem: atque immēsum Dei erga genus nostrum amorem: de iustitia verò, & peccatorum vltice vindicta, ne verbum quidē vllum

faciunt. Quo vanitatis studio, huc vsque progreditur eorum impudentia, vt hominibus suggerant non iam illos fore Deo similes, more serpentis illius antiqui: sed ipsissimos Deos esse: & diaboli malitiã transgressi, Deos nobis esurientes & famelicos faciunt: Idque solius fidei in mediatorem Christũ beneficio. Hic nobis turgidis inflatisque buccis & grandiloquentia plusquam Platonica, ad confirmationem sui propositi, exquisita elaborataque industria scripturarum cumulant autoritates: in iis veluti sue prauitatis Achillem constituentes. Hic magno supercilio Paulum catholicis obiectant variis locis de fidei & promissionis lege differentem. Ad Roma. 3. Iustitia Dei per fidem Iesu Christi in omnes & super omnes qui credunt in eum: non est enim distinctio: cum omnes peccauerint & egeant gloria Dei. Iustificati gratis per gratiam ipsius, per redemptionem quæ est in Christo Iesu, quem posuit Deus propitiatorem per fidem in sanguine ipsius, &c. Rom. 4. Arbitramur hominem per fidem iustificari sine operibus legis, &c. Nõ enim per legem Abrahamæ promissio facta est, vt hæres esset mundi sed per iustitiam fidei:

Roma. 3.

Roma. 4.

fidei: Si enim qui ex lege hæredes sunt, exinanita est fides: abolita est promissio, &c. Item ad Galat. 3. Abraham credidit Deo, *Galat. 3.* & reputatum est illi ad iustitiam. Non est autem hoc scriptum propter ipsum tantum, sed propter nos, quibus reputabitur ad iustitiam credentibus in eum, qui suscitavit Iesum Christum dominum nostrum à mortuis. Idem Apostolus spiritus vitam salutemque nostram in fide collocat dicens. *Galat. 2.* Quod autem nunc vivo in carne, in fide vivo filij Dei, qui dilexit me, & tradidit seipsum pro me. Nō abiicio gratiam Dei. Cui prorsus astipulatur vox Christi Ioh. 7. Qui credit in me sicut dicit scriptura, flumina fluent de vêtre eius aquæ vivæ. Quo loco etiā ait: Omnia possibilia sunt credenti. *Rom. 8.* Ad hæc per fidem Christo inserimur, & nihil dānationis est iis qui sunt in Christo: maximè cum iuxta vulgatam paroemiam, Sola fides ad salutem sufficiat. Iis & similibus argumentorum ignauorum technis, concludunt vaniloqui homines sufficere ad nostram salutem nudam fidem, citra ullius operis adminiculū: ac proinde, Opera fidem consequentia, Orationes, suffragia sanctorum, oblationes, sacrificia, atque sa-

cramenta Ecclesiastica superuacanea esse: vtpote sine quibus ad optatam metam sola intercedente fidei virtute peruenire valeamus. Vnde consequenter inferunt ordines sacros, Vota monastica, velationes virginum, Sacerdotum cōtinentiam, Altariū consecrationes, Ornatus templorū, atque adeo sanctas Diuorum imagines rem esse friuolam, & certa gentilitatis antiquæ vestigia. Purgatoriam expiationem nullam esse à sanguine Christi pro peccatoribus, semel effusi. Lymbū & pœnas vltrices inferorum, laruas quasdam esse ac puerorum territamenta. Hic est eorum error parvus vtique (vt putant multi) in principio, sed certè magnus in fine. Intantū vt ipsis quoque defensoribus ruborem adferre queat. Viden' studiose Lector, hoc longo fidei proœmio hominem quasi terra à diabolis istis terrestribus assumptum, & supra pinaculum templi, immo verò supra thronū Dei positum, si vis credere eorū impietati? An verò etiam non audis tentatorem in eis dicentem? Si filius Dei es, mitte te deorsum. Scriptum est enim, &c. Quid enim aliud quærūt aut sibi volunt ista? Adoptatus es filius Dei, atque adeo cœli hæres per fidem

fidem constitutus. Nihil damnationis credentibus nihilque illis impossibile: Cæteris igitur salutis quærendæ mediis quæ tibi vulgo proponuntur, repudiatis ac spre-
tis crede, simplicitati Euangelicæ: atque in saluificam fidem, plenam integræque salutis tuæ fiduciam reice. An non hoc est dicere, Mitte te deorsum, & tuæ beatitudinis euentum prorsus à Deo expecta? Nec de tuo quicquam conferas: Immo verò si vis Deo vocanti trahentique obnitere, seruata semper fide in ipsum quo sic in te magis clarescat & commendetur ineffabilis eius bonitas. O Dementiam! O cæcitatem! O commentum non mimicum, sed planè dæmonicū. Parricidiū scilicet parricidio expiabitur: Superbiam superbia elides: & ad impetrandam creatoris gratiam, tabidum os in blasphemiam leuabis? hoc est mala quàm plurima facies, vt inde eueniant bona.

O cæcas hominum mentes, & cælestium inanes! *Persius.*

Hanc vestram vesaniam, iam olim præuiderat, spiritus sancto reuelante Esaïas propheta, qui sic in vos excanduit. Væ qui dicitis malum bonū, & bonum malum: ponentes tenebras lucem, & lucem tenebras: *Esa. 5.*

ponentes amarū in dulce, & dulce in amarum. Væ qui sapiētes estis in oculis vestris, & corā vobismetipsis prudentes. Quæ omnia haud dubiè faciatis, cū vos spiritu sancto Dei illustratos atque edoctos mentientes, præsumptionem & temerariam fiduciam, viuæ fidei & pietati in Deū æquatis: Cathecismum & nescio quam furtiuā institutionem baptismo fidelium præferitis: Veritatem sacramentorum abnegātes, sacramentorum cassas & futes vmbas exosculamini: cœnam execrabilem pro sacro de mensa Christi epulo vsurpatis: Sacrilegia castitati, & virginali pudicitia antefertis: & plurima iis similia religioni & veterum orthodoxorūque patrum sanctitati aduersa exaggeratis: in quibus (ita me Deus amet) typo perquàm expresse omnibus scholæ vestræ tyronibus dicitis: Mitte te deorsum.

QVA RATIONE ELI-
datur hic secundæ tentatio-
nis insultus.

Cap. 4.

Nunc



VNC videndū est qua
ratione retundi reper-
cutique possit hic ar-
cuatus scorpionis iēt⁹:
& quia verbo scriptu-
ræ innititur, scriptura
excribrandus confu-
tandūsq; erit: atque imprimis clipeo Chri-
sti domini nostri auertendus: cui cūm Sata-
nas subuentionis ac præsidij angelorum
prætextu præcipitium suaderet, constanter
respondit: Scriptum est rursū: Non ten-
tabis dominū Deum tuum: nobis opido-
quam insinuans scripturæ ambiguae intel-
lectum ex alia scriptura clariore petēdum
esse. Vbi principio animaduertendum oc-
currit ibi reuera tentationem Dei esse, vbi
mediis aliis sese offerentibus experimentū
virtutis diuinæ quæritur. Patet via per gra-
dus descendendi ex alto ac eminenti tabu-
lato, & præcipitium eligis? Deum tentas.
Est nauigij copia, qua possis in fluminis ri-
pam transvehi, & contempto nauigio, va-
do vis transire, aut cum Christo & Petro
sicco pede super aquas ambulare, vel cum
Helia & Heliseo per Iordanis alueum di-
uisis aquis iter pandere? experimētum vir-
tutis

tutis Dei citra necessitatem efflagitas. Vis item saluus fieri, & propositis tot & tantis gloriæ æternæ consequendæ adminiculis, te laceræ atque hiantis tuæ fidei nauiculæ credis? temeritatis ac præsumptionis reus es. Deum tentas. Deo cōtra ius & fas (quæ admodum aliquādo incredulus Thomas) vis legē præscribere: qui cum te vno atque altero, imò verò quàm plurimis mediis saluare velit, nouum tamen modum ac medium illi pro arbitrio ponis. Et quis (nisi demens) fluuio merfus homine, ad sui liberationem properante, contum potius quàm funem vel brachium contumaciter sibi dari poscat? Et ego abiectissimus terræ vermiculus, omnipotentem Deum obstinatè premam, vt me per fidē saluet: qui mihi tot vitæ ac salutis remedia donauit: & inter ea fidem nō illam ignauam quæ pro tēdacula mihi obiicitur, verùm illam quæ per charitatem operatur? Non faciam. Diuitias bonitatis & clementiæ diuinæ non aspernabor: omnem Dei benedictionem, omnia spiritus sancti charismata, sacramenta omnia, & sacrificia salutis summa reuerentia, summòq; honore complectar. Misericordiæ denique ac pietatis operibus studio-

studioſe quandiu viuã inſtabo, vſque adeo
 vt nec cadentem proximi aſinum erigere,
 nec cereolis diuos illuſtrare, nec floribus,
 herbis, arborũque ramuſculis altaria &
 templi pauimenta ornare à me & omni
 viro Chriſtiano alienum putem. Neque
 verecundabor ſi cum ſanctiſſimo rege co-
 ram Deo vilior ſiam, atque humilis in ocu-
 lis meis, quo ſic Deus vidẽs de excelfo cœ- 2. Reg. 5.
 li folio humilitatem ac laborem meum,
 ſeruuli ſui miſcreatur, & deſideratam gra-
 tiam largiatur. Fidem equidem totis vlnis
 amplector, ſine qua vel ſi cętera omnia cõ-
 currant impoſſibile eſt Deo placere: Cor- Hebr. 11.
 de & animo credo ad iuſtitiam, Ore confi-
 teor & opere implere contendo Dei man-
 datum ad ſalutem. Per verbum autem ora-
 tionis & opus virtutis, ſpero in Deum om-
 nium rerum creatorem, atque eius vnige-
 nitum in tempore pro nobis de Virgine
 natum, paſſione atroci mortuum ac ſepul-
 tum, iam iam rediuiuum, ſedentem ad pa-
 tris dexteram, cum eodem patre & ſpiri-
 tu ſancto viuificante coëternum, æqualem
 & conſubſtantialem. Hęc ſanctę fidei ele-
 menta mordicus tenens, paratus ſum Deo
 per omnia obedire & ad imitationem red-
 dem

demptoris Christi, volútatem eius facere.
 Hoc mihi omnibúsque fratribus meis fa-
 lutare perinde ac beatificum puto. Verùm
 si deest prompta in Deum obseruantia &
 obediendi volútas, ac pro eis succedit præ-
 sumptio & mandati cōtemptus, fidem se-
 quor non Christianam, sed dæmonicam.
 Iacobo dicente: Dēmones credunt & con-
 tremiscunt. Atque vtinam vel fidem istam
 qua gloriantur fidei aduersarij haberent,
 Deúmque formidarent: profecto Dei gra-
 tiam, & studiosæ actionis honestatē, san-
 ctorum suffragia, Orationis præsidium,
 Ecclesiastica sacramenta, cæteraque pieta-
 tis in Deum ac proximum officia, non ita
 pedibus conculcarent. quòd dum graui-
 ter pertinacitèrque faciūt, nobis apertè com-
 monstrant impietatis suæ tyrannidem, &
 se illius socios esse, qui neque Deum time-
 bat, neque homines reuerbatur. Hinc est
 quòd non paucī huius sectæ in atheis-
 mum & Dei abnegationem corruunt: ex-
 cæcat enim atque ebetat illos malitia eo-
 rum. Qui sanctuli doctiusculique inter
 eos habentur, nonnullos scripturæ locos
 deprauātes, sensus affectúsque sui iudiciis
 vsquequaque indulgent, & carnalibus de-
 fide-

fideriis relicta veritate vitæ, obsequuntur. Quæcunque verò citant, hallucinantes & in radiante Euangelij sole calligantes homunculi isti, non priuato sensu, sed scripturarum vniformi consensu diiudicanda erant. Hoc est malorum omnium caput.

Hæc pestis morbique præsentis origo. Er-
rant homines (inquit August.) non seruā-
tes modum, & cum in vnam partem pro-
cliuiter ire cœperint, non respiciunt alia
diuinæ autoritatis testimonia, quibus pos-
sint ab illa intētionē reuocari, & in ea quæ
ex vtrisque temperata est veritate ac mo-
deratione consistere. Non est Paulus sibi-
ipsi, vel cæteris Apostolis contrarius, & si-
bi in omnibus cōsentiunt scripturæ cano-
nicæ. Proindē priusquàm temerariè de fi-
de & operibus decerneret hæreticus, non
solum eas de fide assertiones quas contra
nos citat examinare debuit, verum & alias
multò clariores atque euidentiores, quæ il-
las explicant: & cōtrouersiam ambiguita-
tēque omnem tollūt. Producitur in me-
dium Paulus, Qui putat iustificari homi-
nem sine operibus legis per fidē: Quique
asserit iustitiam ac vitam spiritus esse ex fi-
de. Quis non recipiat ac vereatur autori-

tatem

To. 4. libr.
de Fide &
oper. cap. 1.

tatem tãti Apostoli, gentium doctoris vasis electi ad portãdum Christi nomen coram regibus ac gẽtibus? Verũm idem alio loco affectat in Christiano fidem quæ per

Galath. 5. Charitatem operatur. In Christo (inquit) neque circũcisio aliquid valet, neque præputium: sed fides quæ per charitatem operatur. Et primæ Corinthiorum 13. Si habuero fidem omnem, ita vt montes transferam charitatem autem non habuero nihil sum. Iis clariora multoque apertiora sunt alia scripturæ testimonia: maximè Christi dicẽtis: Si vis ad vitã ingredi, serua mãdata. Et adolescenti decalogũ ex ordine recitanti, ait: hoc fac, & viues. Itẽ *Matth. 7.* Nõ omnis qui dicit mihi domine domine intrabit in regnum cœlorum, sed qui facit volũtatẽ patris mei, ille intrabit in regnum cœlorũ. Sed Clarissimè omniũ hoc quicquid est scrupuli resoluit, cũ ait. In sua Canonica Iacobus, ex professo isthæc edisserẽs. Quid proderit fratres mei, si fidẽ quis dicat se habere, opera autẽ nõ habeat, nunquid fides poterit saluare eũ? Si autẽ fratres nudi sint & indigeant victu quotidiano, dicat autem aliquis ex vobis illis, Ite in pace calefaciamini & saturemini, non dederitis

ritis autem eis quę necessaria sunt corpori, quid proderit? Sic & fides si non habeat opera, mortua est in semetipsa. Sed dicet quis Tu fidem habes, & ego opera habeo. Ostende mihi fidem tuam sine operibus, & ego ostendam tibi ex operibus fidem meam. Tu credis quoniam vnus est Deus, bene facis: & dæmones credunt & contremiscunt, &c. Mox concludens subdit. Videtis quoniam ex operibus iustificatur homo, & non ex fide tantum. Quid istis dici potuit vel familiarius vel clarius? Verum & hinc effugij viam sibi facere conatur impietas. Negatque epistolam illam esse Iacobi, saltem non enumerari inter canonicas scripturas. Negatura pari facilitate atque impudentia Iacobum aliquando vixisse. Sic aliquando Iudæi auaritię ac inuidię zelo accensi, Lazarum rediuuium interficere cogitarunt, quia propter illum multi credebant in Christum, quem oderāt. Si iuxta Saluatoris parœmiam, Omnis arbor ex fructu suo cognoscitur, ac proinde fides valida & efficax ex operibus: Vt quid homines curiosuli vnus sententię Paulinę (quam non intelligunt) prætextu circa fidem fluctuant, & naufragantur? Hinc

Iohan. 12.

pri-

primùm dic mihi, ô homo inanis ac futi-
 lis blatero, qui ista disputas: Si scripturæ
 sibi mutuò consentiunt: Si Paulus Christo
 domino & Iacobo cæterisque Apostolis
 atque ad eò sibi ipsi conspirat: qualiter sibi
 constare poterit, affirmans fidem sine ope-
 ribus saluare, & tamen inutilè esse ac mar-
 cidam, nisi per charitatem operetur? Aliud
 igitur hoc loco, quem tu tanto studio ven-
 tilas, voluit Apostolus: & cōsulere cupiens
 Iudæorum, qui Romæ agebant, saluti: quia
 videbat eos legalibus cæremoniis addictio-
 res esse, quàm legi Euangelicæ, amicè illis
 commonstrat intantum illas nō esse ad sa-
 lutem necessarias, vt sine illis saluari quis
 possit per fidem, id est Euangelii gratiam
 atque obseruationem. Nisi fortè dicamus
 Apostolum ad ampliorem fidei in Chri-
 stum cōmendationem, iis verbis insinuare
 tantam esse illius energieam, vt sola salua-
 re possit citra vllius operis accessionem:
 modò tamen non desit boni operis propo-
 situm, sine quo proculdubio nemo perue-
 nit ad vitam. Quam sententiam cum Ec-
 clesia post Augustinum & Cyprianum
 confirmat Sanctus Bernardus epistola
 quadam ad Hugonem à sancto Victore,
 iis ver-

iis verbis: Inuenio non tantum passionem pro nomine Christi, id quod ex baptismo deerat posse supplere, sed etiam fidem conuersionemque cordis: si fortè ad celebrandum mysterium baptismi, in angustiis temporum succurri non potest. Quantum autem valeat etiam sine visibili sacramento baptismi, quod ait Apostolus, Corde creditur ad iustitiam, ore autem confessio fit ad salutem, in illo latrone declaratum est. Sed tunc impletur inuisibiliter, cum mysterium baptismi non contemptus religionis, sed articulus necessitatis excludit. Hec cum Cypriano atque Augustino Bernardus. Nec ista dicendo orthodoxi patres quicquam detraxerunt dignitati fidei, verum eam perficere & non ociosam infrugiferamque in nobis esse voluerunt, quo sic intelligant omnes sicut auditores, ita creditores verbi non aliter apud Deum iustificari posse, quam si simul & factores fuerint, saltem voluntate propositi: Alioquin diebus nouissimis iudicium Dei fide duntaxat & non operibus fidei ac misericordia decideretur. Cum tamen audituri simus eum electis dicentem. Esuriui, sitiui, nudus, hospes, infirmus, & in carcere fui,

*Roma. 10**Iacobi. 1.**Matt. 25.*

D &

& ministrauistis mihi, venite possidete regnum vobis paratum à cōstitutione mundi. Ac deinde reprobis tristem sententiam ferentem atque exprobrantem, quòd nihil istorum opere vel voto compleuerint. Addamus itaque lucernę fidei misericordię oleum: quatenus si non coram hominibus, saltem corā Deo luceat lux nostra: ne fortè cum virginibus fatuis, à cœlestiũ nuptiarum excludamur celebritate. Nec verò solam fidem cum charitate misericordiæ nos amplecti decet: verum & orationem, & sanctorum interuentionem, sacramenta, & reliqua quę nobis proponuntur futurę beatitudinis symbola. In quibus prosequendis ac frequentandis Sãctorum sanctarumque omnium, quorum nomina in libro vitę scripta sunt, imitatione, auaros nos esse oportet: quo sic nihil lucri spiritalis nobis depercat, & timentibus Deum omnia cooperetur in bonum. Si quid aduersi obrepit, non mediocre mihi pręsidium in oratione constituo. Persuasus exemplo Moïsis, Helię, Sanctorumque Prophetarum, atque Apostolorum qui Deo placuerunt ab origine mundi, & in tempore iracundię facti sunt populi re-

conci-

conciliatio, flecto genua, manus attollo cū oculis, ploro denique ac suspiro procidēs ante Deum & patrem domini nostri Iesu-christi. Nec istis cōtentus sanctorum cū viuorum tum mortuorum suffragia im-ploro, sequutus consilium sancti Iob. Ad *Iob. 5.* aliquem sanctorum conuertere : atque in-super cognoscens ex scripto Iacobi, quod *Iacobi 5.* multū valet assidua deprecatio iusti apud Deum: & quia hęc est redemptoris nostri voluntas: qui si nullus esset orationis fru-ctus, nec ipse in oratione pernoctasset, nec *Luce 6.* vnquam sine intermissione orare pręce- *Luce. 11.* pisset, aut salutaris orationis formulam no-bis ipse reliquisset. An verò frustrā, Iaco-bo, Bartholomeo, & Marthę Christi Do-mini hospitę centies in die repetita sup-plicatione, genua occalluisse putandū est? Non credo. Nec mihi respōdeant ora im-pura Deum sua prouidentia, ac benignita-te vltro adesse suorum necessitatibus : nos autem plerunque ignaros esse rerum no-bis profuturarum. Idcirco adherendum Satyrographo super hac cōtētionē dicēti:

-- Si consilium vis,

Permittes ipsis expandere numinibus, quid
Conueniat nobis: rebúsque sit vtile nostris.

*Iuvenal.
Saty. 10.*

D ij Cha-

*Charior est illis homo, quàm sibi: nos animorum
Impulsu, & ceca magnâque cupidine ducti
Coniugium optamus, &c.*

Ista sunt Satanæ aucupia. Nouit quidem
Deus omnia, & omnibus pro sua bonitate
subuenire paratus est: sed meo bono (non
sua necessitate) rogari vult: quo sic inflā-
mer & exardescā in ei⁹ timore ac dilectio-
ne: & ex infirmitate mea illius maiestatem
dimetiar ac reuerear. Nō diffiteor me cum
filiis Zebedei, plenum ignorationis esse, &
plerunque nescire quid aut quomodo pe-
tam: frequenter quoque noxia petere. Ve-
rū, quæ est patris illius cælestis bonitas,
orationis meæ defectum emendabit: &
sicut pater quidem puero roganti pa-
nem, dat: gladium autem petenti, negat.
Ita ille mihi (certo scio) optima quæque
oranti distribuet: noxia poscenti (modò
adsit animi simplicitas) in salutaria com-
mutabit. Orationis fructum longè aliter
emenso est Hierony. (atque faciunt Neo-
christiani) qui in hunc modum contra
Pelagium scribit: Deus semper largitor,
semperque donator est. non mihi sufficit
quòd semel donauit, nisi semper donaue-
rit. Peto vt accipiam, & cū accepero, rur-
sus

sus peto. Auaras sum ad accipienda beneficia Dei. Nec ille deficit in dādo, nec ego satior in accipiendo. quanto plus bibero, tantò plus sitio. hæc Hierony. de orationis fructu: quæ nos etiamnum impellunt propius, atque intentiore mentis acie perscrutari mali dæmonis artes in pessundanda oratione. Videbat infensissimus hostis fortissimum hominis præsidium aduersus téntationem esse in oratione, Christo dicente: Vigilate & orate, vt non intretis in tentationem. Ob idque hominem exarmare volens, atque eripere de eius manibus orationem, primùm calumniari cœpit (ex dicto Christi hipocritarum malitiam ventilantis) orationis prolixitatem, ac repetitionē: cùm tamen nobis constet ex Euangelio, ipsum Christum prolixius orasse, & interdum in orando pernoctasse, secundò ac tertio orasse, eundem sermonem repetendo. Quæ si mala vituperandaque essent, nunquam domino gloriæ accidissent. Deinde Orationem vocalem, Psalmodiam, Cantus, Symphoniámque musicam quibuscunque modis potuit vellicauit: abundè expertus ab antiquo ista omnia sibi noxia atque aduersa esse. Ná & Cytharæ Da-

Marci 14

*Luca 6.
Matt. 26.*

D iii uidicæ

1. Reg. 16. iudicæ pulsu impediēbatur, ne pro libito infestaret Saülis animam. Nunc demum, vt nihil intētatum relinquat, per infideles ac perfidos tenebriones, omnem orationis tum mentalis tum vocalis vsum abrogare conatur, nobis subinde obiectans solam fidem ad salutem sufficere: atque huic totos nos credere oportere frustra inniti orationibus, sacramentis & operibus. Hi sunt astus quibus misero homini passim illudit diabolus, dicens: Mitte te deorsum. hæc pro oratione; De sacramentis autem, id est de cœlestibus Ecclesiæ thesauris, quis nisi planè demens ac stolidus illam quam complectuntur gratiam aspernari queat? vel existimare sibi parum ad salutem necessariam? Non permittam, nec mecum æquo animo ferēt omnes qui sunt Christi, vt recutiti isti Iudæi atque eментiti apostoli in obliuionis & cōtemptus corbonam illam mittant: quia precium sanguinis est agni pro nostra salute occisi. Baptismi gratiam non modò vtilem, sed & necessariam nobis ad salutem esse constat verbo Saluatoris. Ioann. 3. Amen amen dico vobis, nisi quis renatus fuerit ex aqua & spiritu sancto, non potest introire in regnum Dei.

quod

Baptismus

Iohan. 3.

quod omniū fideiū interpretū, atque adeo ipsius Ecclesiæ consensu, tum in adultis, tum in lactantibus & paruulis recens natis locū habet: tametsi hīc nescio quid obmurmurent viperarum genimina, paruulos nō esse fidei capaces, ac proinde nequicquam illis ministrari baptismā sacramentū fidei. Aduersus quorum dementiam habemus firmissimū propugnaculum auctoritatem Ecclesiæ, quæ per spiritū sanctū fidelissima prædicationis Christi interpres, nobis cōmonstrat haud aliter quā circuncisio olim infantibus necdū rationis vsum per ætatem consecutis profuit, nunc baptismū Christianorum infantulis prodesse. Quod oppido quā luculenter alibi declarat eximius ille Bernardus quondam Claræ val-
 lis abbas. Irrident (inquit) nos hæretici quia baptizamus infantes: quid enim si infans pro se loqui non potest? pro qua vox sanguinis fratris sui Christi clamat de terra. astat nihilominus, & clamat mater Ecclesia. Quid tamen infans? nonne & ipse tibi videtur quodammodo inhierē, & de fontibus Saluatoris vociferari ad deū, suisque vagitibus clamitare: Domine, vim patior, responde pro me. Flagitat sci-

*Bernard.
sermo. 66.
in cantic.*

licet auxilium gratiæ, quia viam patitur ab origine. Ita ergo clamant hæc omnia: Sanguis fratris, fides matris, destitutio miseri, & miseria destituti. Primò pater seipsum negare non potest: pater est. Nemo hîc mihi dicat quia non habet fidẽ cui mater impertit suam, inuoluens illi quousque idoneus fiat assensu euolutam, puramque percipere. Nunquid breue est pallium, vt non possit ambos cooperire? Magna est Ecclesię fides: nunquid minor fide Chananę mulieris? quam constat & filiæ sufficere potuisse, & sibi. Ideoque audiit: O mulier, magna est fides tua: fiat tibi sicut vis. Nunquid minor fide illorum, qui paralyticum per tegulas demittentes animæ illi simul & corporis obtinuerunt salutem. De quibus scribitur: Quorum fidem vt vidit, dixit Paralytico: Confide fili, remittuntur tibi peccata. Qui hæc credit, sibi facilè persuadet, meritò Ecclesiam non solùm paruulis baptizatis in sua fide salutem, sed etiã interfecit pro Christo sanctam coronam martyrij esse paratam censuisse. Sine fide enim non sunt qui in fidei testimoniũ baptismi gratiam perceperunt. Non inficiantur catholici sine baptismo aquæ, hominem per

fidem

Matth. 15.

Matth. 9.

*Bernard.
epist. 77.
in Cantic.*

fidē iustificari & saluari posse, modò absit contemptus sacramenti. Inuenio (inquit Cyprianus) nō tantū passionem pro nomine Christi quod ex baptismo deerat posse supplere, sed etiam fidem, cōuersionēque cordis: si fortē ad celebrandum mysteriū baptismi in angustiis temporū succuri non potest. Quod idē dicere haud dubiē licet & ex pietatis operib⁹ baptismū consequentibus, prout superius diximus.

De sacramento Eucharistię, quin & ipsum authorem gratię, & gratiam salutarem complectatur, nullus relinquitur ambigendi locus, post Christum dicentem.

Amen amen dico vobis nisi manducaueritis carnem filij hominis, & biberitis eius sanguinem, non habebitis vitam in vobis.

Qui manducat meā carnem & bibit meū sanguinem, in me manet, & ego in eo. Cuius Sacramenti veritas, & illud conficiendi in sacerdotibus Dei ministris potestas, satis supérque declaratur Euangelio, iis verbis. Hoc est corpus meum, quod pro vobis tradetur. Hoc facite in meam commemorationem. Et hic est sanguis meus noui testamenti, qui pro multis effundetur in remissionem peccatorum: hoc faci-

Eucharisti

Iohan. 6.

Matth. 26

Marci 14

Luca 22.

I. Cor. II. te quotiescunque bibetis in meam commemorationem. Post quę verba, valeant atque abeant, *εις νοράν*, omnia infidelitatis commenta. Conticescant & abscindantur viperarum lingue, vsqueadhuc Ecclesię calcaneo insidiantes & blasphemore de tanto Dei munere simplicem passionis Christi, veluti refricatam atque innouatam in animis nostris memoriam, facientes. Ipsam verò corporis Christi veritatem ac energiam abnegantes. Atque insuper pro veris & legitimis sacrosanctę huius *συνάξεως* nominibus, sceleratas voces, nunc cœnę simplicis, nunc panis benedicti supponentes, vt alia blasphemię atque impietatis commenta reticeam: quę sui horrore pias aures haud dubiè turbarent. O Serpens antique, Maledicta terra non modo in opere, sed etiã in sermone tuo: fascinauit Satanas mētis tuę oculos, qui hoc cœleste fidei mysterium perpendere nequeunt: & cor tuum obduratum est, ne verbis Dei, tam potētibus tam clavis atque apertis credas. Quid mihi hoc loco frustra laboras & operam ludis in disquirendis imaginū significationūque rationibus? cū liquidò omnibus pateat verba Dei,
non

non modò more nostrorum significatiua
 esse, verumetiam illius esse effectiua quod
 significant. Ipsi dixit & facta sunt (inquit *Psalms. 23.*
 Propheta) Ipse mandauit & creata sunt.
 Verbo utique Dei creata sunt, quæ pror-
 sus non erant, Verbo Dei curati languen-
 tes, cæci illuminati, mortui ad vitam reuo-
 cati, aqua in vinum delicatum mutata, &
 tu vir obduratus corde, atque incircunci-
 sus labiis eodem verbo disiteris panem ac
 vinum in corpus & sanguinẽ Christi con-
 uerti posse. Respódeat híc mihi Calvinus
 aut Sacramentarius quiuis: Si nondum in-
 stituta essent hæc sacratiss. mysteria, ac
 Deus illa statuere disponderet, iuxta fidem
 ac traditionem hætenus ab Ecclesia vsur-
 patam: quibus quæso verbis facilius & ad
 rem accommodatius illorum vim atque
 efficaciam exprimere possit, quàm iis
 ipsis quibus illa nobis instituta reliquit?
 Et tu adhuc incredulus permanes ver-
 bo Dei? portabis, peccatum tuum.
 Quam tu mihi de barathro, reuocas Iu-
 dæorum cœnam, Sanctæ quadragesimæ
 tempus, in esu agni Paschalis præueniens,
 cœna Christi non est, sed diaboli. Et ad
 verbum Apostoli. Non possumus pariter *1. Cor. 10.*
 mensæ

menſæ Chriſti, & dæmoniorum partici-
 pes fieri, ideóque coenam tuam non reci-
 pimus. Hæc de duobus primariis & capi-
 talibus Eccleſiæ ſacramentis obiter dicta
 ſunt. Reliqua verò quæ decentiæ & com-
 moditatis, nō autem neceſſitatis ad vniuf-
 cuiuſque ſalutē eſſe creduntur, paſſim re-
 pudiat impietas: ne quid ſcilicet perſonatae
 ementitæque fidei detrahatur dignitatis.
 Veruntamen illa apertius loquuntur & cō-
 firmant cum ſcripturis ſacris veterum pa-
 trum teſtimonia: quàm vt calumnia vlla
 Lutheri, Caluini, ac fatalitij Genebenſis ab
 eorum cultu & reuerētia abduci queat, qui
 mediocriter in religione promouit. De iis
 illi cum efficaciam gratiæ, tum Sacramen-
 ti nomen præripere conati. Ordinum di-
 ſtinctionē, quā Eccleſia obſeruat aſtruunt
 eſſe ambitionis inuentum, ad deprædandā
 plebeculam, ſicut & Sacrificium miſſæ,
 quam incantationem vocant. Confefſio-
 nem & cōfirmationē præſtigias eſſe magi-
 cas & mimicas obganniunt, Episcopos nō
 recipiunt, Sacerdotium etiā pueris & mu-
 lieribus cōmunicāt. Matrimonium quàm
 minimo diſtingunt à fornicatione. Immo
 verò vno adulterio excepto, nullam forni-
 catio-

cationem agnoscunt, si congregantium
 adsit consensus, Sacri olei vñctionem no-
 uissimum medicorum fomentum ac reci-
 pe (ita loquar) faciunt. Et vt vno verbo cē-
 tera claudam, nobis insigne quoddam im-
 pietatis Chaos opinionum variarum for-
 mis in se reflexis faciunt: tanta est impro-
 bitatis & perfidiæ fœcunditas. Aduersus
 quorum impudentiam proferimus prin-
 cipio inconcussam fidei Apostolicæ Pe-
 tram, id est Christū sacerdotem primum, *Ordo.*
 & summum legis Euangelicę, à patre vo-
 catum atque electum, à spiritu sancto præ-
 participibus suis vñctum: vt de plenitudi-
 ne eius omnes acciperemus. hic magnus E-
 piscopus & pastor animarum nostrarum,
 principio Apostolos suos, sacerdotes sui
 ordinis cœna nouissima instituit, quibus
 & potestaté alios ordinandi deinceps con-
 tulit: dum se in cœlum recepturus, primū
 Ecclesiæ pontificatum Petro resignat illi, *Iohan. 21.*
 tum agnorum, tum ouium pascuam deman-
 dans. Hinc est quòd Apostoli, Diaconos *Act. 6.*
 ad ministeria Sanctæ cōmunionis creant;
 Act. 6. Et Paulus Timothēum discipulū *1. Timot. 1.*
 monet, Ne contemnat gratiam sibi diui-
 nitus datam per impositionem manuum
 pres-

Confessio. presbiterij, in quo Episcoporum eminentiam ad alios in sacerdotes ordinandos sufficienter ostendit, sicut eo loco quo illum admonet. Ne citò manus cuiquam imponat. Ad hæc spiritum sanctum donat Christus suis in remissionē peccatorum. Accipite (inquit) spiritum sanctū Quorū remiseritis peccata, remittuntur eis: & quorum retinueritis, retenta erunt. Quod indubiè nullo modo fieri vnquam posset, nisi peccatorum confessione. Vnde & sacerdotalis ordinis propria, atque discreta auctoritas, & pœnitentiæ sacramentum ritè comprobantur, vt interim taceam, Quòd venientes ad Iohannem Baptistam, & ad discipulos Christi turbæ baptismum suscepturæ, confitebantur peccata sua.

Confirmatio Confirmationis (quā vetusti patres con-
Matt. 19. signationem dixere) præstantiam cōmendant varia scripturarum testimonia: hanc mea sentētia tunc surpauit Christus, cū oblati sibi paruulis, orans manus imponebat. Quem faciendi morem exinde sequuti Apostoli, orantes & manus hominibus imponentes, dabāt spiritum sanctum.

1. Timo. 4. Nam & Paulus discipulum Timotheum admonet vt resuscitet gratiam quæ in illo erat

erat per impositionem manuum suarum. Et sanctus Apostolorum Senatus audiens *Act. 8.* Samaritanam recepisse verbum Dei, eò delegat Petrum & Ioannem: qui cùm ad eos peruenissent, orauerunt pro ipsis (iam à Philippo Diacone baptizatis) vt acciperet spiritum sanctum. Quod deinceps manuum apostolicarum impositione sunt cõsecuti. Rem admirabilem atque stupendã: ad hominis contactum diuina charismata hominibus infundi. Si non hîc, etiam in hominibus operaretur Deus. Idem Apostoli post ieiunium & orationẽ imponunt manus, Paulo & Barnabæ, ac dimittunt eos in opus Euangelij ad Gentes, imperante eis Spiritu sancto. Segregate mihi Paulum & Barnabam in opus ad quod assumpsi eos: *Act. 13.* Nemo igitur tam claris ac certis testibus spiritui sancto resistat: nève retrahat aut increpet paruulos ad Christum venientes, vt eius contactu sanctificentur. Alioqui audient cum Apostolis redargutionis vocem. Sinite paruulos venire ad me, & nolite prohibere. Confirmatio non est quemadmodum arbitrantur maligni: superstitio, sed Christi salutaris institutio, superstitione enim quis vnquam fateretur spiritum-

tum sanctum dari hominibus?

*Matrimo-
nium.
Genf. 1.* Matrimonij sacramentum à principio
cōditæ humanæ creaturæ sua benedictio-
ne consecrauit Deus. Christus cōsecratam
colligatamq; per gratiam, carnis geminæ
vnitatem soluere facinorosum Euangelio
Matt. 19. declarauit, inquit. Quos Deus cōiunxit,
homo non separet. Paulus denique ipsam
nuptiarum dignitatem celebriore tuba cō-
mendare volens: hoc sacramētum (inquit)
magnum est. Ego autem dico in Christo
& Ecclesia. Idem quoque alibi Christiani
coniugij sanctitatem describēs, ait Virum
infidelem sanctificari per mulierem fide-
lem, sicut & mulier infidelis ex viri fidelis
Hebr. 13. connubio sanctior redditur. Vnde om-
nibus liquet honorabiles esse Christiano-
rum nuptias & thorum immaculatum, qui
certe macula non careret, nisi hanc sacra-
mentalem gratiam per Sacerdotis benedi-
ctionem obtineret.

*Extrema
unctio.* Habet quoque sacri olei delibutio suam
gratiam: & Sacramenti dignitatem com-
plectitur, vsurpata (vt credibile est) insti-
tuto Christi saluatoris, ab Apostolis auto-
Marci 6. re Marco 6. cap. Exeuntes Apostoli prædi-
cabant pœnitentiam, & dæmonia multa
eiicie-

eiiciebant, & vngebāt oleo multos ægros, & sanabantur. Pro eodem militat vulgatissima illa Iacobi fratris Domini sententia: Infirmatur quis ex vobis, inducat presbyteros Ecclesiæ, qui orent super eum, vngentes eum oleo in nomine Domini, & oratio fidei saluabit infirmum, & alleuiabit eum Dominus: & si in peccatis fuerit, remittentur ei. Post quæ verba: Si quis adhuc de Sacramenti huius virtute atque efficacia animo fluctuat, illum obnixè rogo atque obsecro, percurrat oculis, & mente attēta fidelique legat diuinas illas sanctorū implorationes & supplicationes charitate multa exundantes, quæ pro infirmis fiunt, in sacræ vnctionis ministerio. Illius cor si non fuerit marmore frigidius, ac ferro durius, incalcescet proculdubio, & mollietur intus, ad credendam atque amplexandam Ecclesiæ doctrinam de sacramentorum virtutibus. Vides (ni fallor) studiose lector, septem ecclesiastica sacramenta, suam fidē auctoritatēmq; à Christo Domino & eius Apostolis nancisci, nec esse superstitionis deliria, aut ambitionis inuenta, sicut falso calumniātur hæretici. Quibus si prædicta non sufficiunt, legāt scripta orthodoxorū

Iacobi. 5.

patrum. Cōsiderēt vias antiquas Clemētis, magni Dionysij, Ignatij, Irenæi, Cyrilli, Cypriani, Policarpi, Origenis, Athanasij, Chrysostomi, Basilij, Eusebij, Greg. Nazianzeni, Gennadij, Tertulliani, Hieronymi, Ambrosij, Augustini, Gregorij, Bedæ, Leonis, & aliorum, quorum æmulari negligentiam (ad dictum Comici) potius exoptarim, quàm illorum obscuram & curiositatis atque impietatis plenam diligentiam. Ante quos omnes argumentū multò validissimū veritatis huius habemus cum spiritu sancto Ecclesiā, firmamētū & columnam fidei. Cuius sentētia de sacramētis, luculenter innotuit quatuor cōciliis, generalibus, quorū decreta Gregorius quasi quatuor Euāgelia exosculatur: cōciliis itē novis: Basiliensi, Cōstantiensi, & Tridētino: quibus dānatis ac reprobatis erroribus Iohann. Huss. & Iohā. Vviclef, asserta sunt cōstāter & fortiter ab iniuria vindicata, septē Ecclesiæ Sacramenta. quæ non immerito quis cōferat septem signaculis libri Vitæ, quæ nemo ad plenū atque perfectū solvere pōtest, nisi agnus qui occisus est: qui sicut clavis David (quæ claudit & nemo aperit: aperit & nemo claudit) nomen sortitur, ita
solus

*Grego. in
 Registro.*

ſolus libri huius aperiēdi, & ſignacula ſol-
 uēdi poteſtatē habet. Væ mihi mater mea
 Eccleſia, Cur me genuiſti virū rixæ? vt ho-
 die inter fratres meos Chriſtianos hoſtili-
 tatē ingratitudinēq; pluſquā belluinā
 experiar, hominū vel deſtruentū, vel mihi
 auferre volentiū hæreditatem hāc magnā,
 atque vberes fructus afferentē, quam mihi
 Chriſtus ſuo ſanguine acquiſiuit. Non ac-
 quieſcam impiorū conſiliis, & fortitudine
 accinctus, potius mortē oppetā, exemplo 3. Reg. 21.
 Naboth Iezraēlitæ, quā hāc tam præcio-
 ſam hæreditatē patrum meorum vēditem,
 vel cōmutem impio Achab in ortum ole-
 rum. Immo verò tam chara & dilecta mi-
 hi erit hæc vinea, vt propter illam cære-
 moniarum quoque maceriam, & reliqua
 ad eius decorem ornatūque faciētia ſtu-
 dio quā maximo ſim obſeruaturus, iis
 veluti gradibus ad meliorem æternæ bea-
 titudinis hæreditatem mihi repromiſſam
 approperans. Proinde faceſſant à nobis &
 omni anima ſideli, impiæ oblocutiones &
 nimium curioſæ quæſtiones, contra ſan-
 ctiſſima Eccleſiæ ſacramenta: quæ nihil al-
 liud ſunt, quā certus quidam gloriæ ſe-
 quuturæ arabo: Contra templa templo-

rúmque ornatus, Contra agapes & misericordiæ ac beneficentiæ opera, Contra implorationem venerationémque Sanctorum, atque imaginum eorundem, Cōtra cymiteriorum oratoriorúmque cereorum, Chrismatis, aquæ, panis, ac fructuum benedictiones, exequiarum ritus, votivas peregrinationes, & consimiles plebeculæ deuotiones: quas si conferamus cum Synagogis, scholisque nocturnis, & Coenis hereticorum, diem nocti, & clarum solis radium Cymeriis, Ægyptiis, infernalibusque tenebris, meritò cōtulisse iudicemur. Nihil itaque mihi persuadebunt impietatis suggestiones. Mitte te deorsum. Committe te soli fidei tuæ. Cetera omnia tanquam tibi ad salutem inutilia & onerosa contemne. Credenti omnia possible sunt. Istas esse mundi, carnis, & demoniorum tendiculas agnosco: quas Christum præceptorē verba vitæ æternæ habentem emulatus, hac modica voce diuerto. Scriptum est, non tentabis dominum Deum tuum. Paratus sum creatori in omnibus obedire. Absit ut ponam legē Regi seculorum: sed quæcunque mandauerit illi, nulla quæsitâ ratione, nullo murmure aut reclamatione prom-

própto ac liberali animo exequar. Iubet? accingor ad opus: prohibet? pedē referō. Nihil eius iniussu tentaturus: sciens quia mihi adherere Deo bonum est, & ponere in domino Deo spem meā. Nihil eorum durum, peregrinūve, aut à natura alienū vnquam esse credam, quę ille mihi necessaria ad salutem, vel cōducentia posuerit: paratus, vel patrem sepeliendum, vel vxorem ducendam, si ita iusserit relinquere. Sequar quocunque vocauerit Deus. Apud quem est fons vitę, & in cuius lumine de tenebris, & vmbra mortis ereptus beatitudinis eterne, lumen sum aliquando visurus. Lucerna pedibus meis, erit verbum eius, & lumen semitis meis: vt per viam mādatorum eius excurrā, cū dilatatum fuerit cor meum, & gemina charitate inflammatum. Excurram inquam non quasi in incertum, sed ad comprēhēdendum illud quod mihi proponitur brauium coeleste. Cuius consequendi gratia, non modò fidem, verū charitatem, misericordiā, iustitiam, pacem, fortitudinem cæterasque boni moris virtutes: Sacramenta item omnia cæremoniāsque & iustificationes Christianas complectar: tāquam certissīma in-

Psal. 117.

strumenta, ad consequendum in præsentī
seculo gratiam, & in futuro gloriam illam
quam repromisit Deus diligentibus se,
Christo Iesu donante, Cui honor, gloria
& imperium in secula seculorum.

TENTATIO TERTIA, quæ est Ambitionis & Auaritiæ. Cap. 5.



Matth. 4.

SSVMIT postremò Satanas
Christum in montem excel-
sum valdè: vnde illi osten-
tans omnia regna mundi &
gloriam eorum, ait: Hæc o-
mnia tibi dabo, si cadens adoraueris me.
Ad quem modum nostræ tépestatis Pseu-
doprophetæ, magistratibus ac populari-
bus viris, maximè autē ambitiosis & aua-
ris suggerunt primò propriam villitatem,
miseriam, deiectionem, passiones, atque
versuras quibus Catholici passim præmū-
tur, deinde ex diametro proponūt vniuer-
sam mundi gloriam, honores, ac dignita-
tes, Opum affluētiam, Connubia foelicia,
Plenam scripturarum intelligentiam, Li-
berrimam viuendi rationem, & multa iis
fimi-

similia: adiecta tamen conditione scelera-
tiss. si cadens adoraueris me. Hoc est si có-
tempta Romanæ Ecclesiæ, veterúmque
patrum religione ac disciplina, mundo &
carni seruire voles. Sic memorant fabulæ
deas olim de pulchritudine contendentes,
Paridi apparuisse, ac Iunonem quidem, vt
iudicis arbitriú in se flecteret, Diuitiarum
splendorem, Palladem sapientiam, Vene-
rem autem Helenæ omnium quæ in orbe
erant mulierum pulcherrimæ nuptias illi
pollicitam fuisse: quarum dulcedine ille-
ctus, corruptúsque iudex, eidem palmam
pulchritudinis dedit, præmia consecutus
sibi, Germanísque suis, ac toti patriæ fu-
nesta. Non dissimiliter hodie viri apo-
statae Ecclesiæ filios ab ea quam receperút
pietate distracturi, & ad colendum Bæalin
relictó vero Deo inducturi, quasi de spe-
cula altissima, mundum, múdanásque de-
litias ostendentes, quæ non sunt in sua po-
testate, promittunt.

Quid enim promittere lædit? (inquiunt)

Ouidius.

Audaces in promittédo, sed certè efron-
tes in negádo. Promittunt montes & au-
rum: vix bene ex eorum pollicitis stipulas
reperies.

Forat. Parturiunt (.i.) montes, nascetur ridiculus mus.

Si vis (inquiunt) ô miser hoc triste paupertatis & intollerabile subiectionis iugum collo excutere, atque hinc ad nostros commutare, inuenies terram opimam, fluentem lacte & melle. Offendes illic qui te splendide, & magno cum apparatu tanquam Deum quandam ex cælo suscipiant, dicentes.

Iuuenal. Tertius ex cælo cecedit Cato.

Totius politię Rector quàm citissimè declaraberis. Nummos quotquot desideraueris necessarios tibi respublica suppeditabit. Vxorem pulchrā, generosam, ac bene dotatam in sinum atque amplexus tuos tradet. Hic quàm citissime omne genus literarum linguarumque edisces: & quasi de fonte Parnasi nullo laboris fastidio, rerum scientiam hauries. Libertate plena potieris, nullo repugnante vel contradicente. Byssus & purpura indumentum tuum. Cibi molles ac delicati pro putidis ouis, & foetidis, putribusque piscibus apponentur. Nectare & Ambrosia omni tempore perfrue ris: hæc & multa alia coaceruant & ingerunt fideiū auribus vanissimi impostores, infectum hominem secum ad perditionem tracturi. Verū qui paulo oculatiores sunt
in

in Ecclesia Christi facilè perpendunt in istis fucis latitare artes diaboli: vnde nec ista omnia pili faciunt. Frustrà enim iacitur rhete ante oculos pennatorum, sed homines pecuini, bestiales, ac ventri seruientes sui sensus impetu, in præcipitiũ maximum ruunt, sibi mendacium pro veritate persuadentes. Sic modica spica circumposito visco aues, sic pisces hamo capiuntur. Et vtinam quemadmodũ in auibus & piscibus ferè accidit, pauci caperentur: nec tã multos hac tẽpestate videremus vana pessimæ libertatis spe lactatos, via lata ad mortẽ properare. Omnia certè melius haberent, mitiũsque torquerentur animo viri boni: qui ingemiscẽtes tractis alto corde suspiriis hanc apparẽtem regni Satanæ prosperitatem deplorant: & zelãtur super iniquos pacem peccatorum videntes: quia nõ est respectus mortis eorum, nec firmitas in plaga eorum. In labore hominum non sunt, & cum hominibus non flagellantur: ideo tenuit eos superbia operti sunt iniquitate sua, prodiit quasi ex adixẽ iniquitas eorum, &c. Vnde turbatis in hoc occulto Dei iudicio animis, veluti tacito murmure intus nõnunquam dicunt sigillatim,

latim. Ergo sine causa iustificauit cor meū,
 & laui inter innocentes manus meas, & fui
 flagellatus tota die, & castigatio mea in ma-
 tutinis. Veruntamen licet ista obiiciat sen-
 sus, deinceps postquam intrauerunt in san-
 ctuarium Dei, & intellexerunt in nouiss.
 eorum, spiritu interius loquente rationeq;
 magistra, intelligunt viam virtutis esse ar-
 duam ac difficilem, & ad Saluatoris senten-
 tiam, viam quæ ducit ad vitam esse admo-
 dum strictam, paucosque per eam ingredi
 cum late pateat, & spatiosa ac frequens sit
 via quæ ducit ad mortē. Quãobrem nihil isto
 cfreni impiorum numero moueri possunt
 ad seruiendum carni & sanguini: pro ex-
 plorato habentes Deum, neque in sangui-
 nibus, neque in voluntate carnis sibi com-
 placere. Vnde & proposita sibi vtraque vi-
 uendi forma, esuriem, satietati, infamiam,
 gloriæ, contumeliã honoribus, atque adeo
 mortes & cruces solēnibus Regum trium-
 phis præferunt. Quia, scilicet, quemadmo-
 dum: Mulier cum parit tristitiam habet,
 sed postquam peperit, iam non meminit
 pressuræ, propter gaudium: eo quod natus
 sit homo in mundum. Ita nos oportet per
 multas tribulationes intrare in regnum
 celo-

coelorum. In fletu & lachrimis ferendum est, vt cū exultatione aliquando metamus. Exeundum nobis ad Christum extra huius mundi septa, & improperiū eius portandū, si cum illo regnare volumus. Quod praesentiens Rex & Propheta Dauid, dicebat. *Psal.* Propter verba labiorum tuorū, ego custodiui vias duras. Hinc & Paulus sanctae electionis columen, ad portandum nomen Christi, coram gentibus, in alio gloriari prorsus recusat, quā in cruce domini nostri Iesu. Et reuera si rem omnem propius attentiusque consideremus, Ne quidem apud aethnicos, atque infideles viros, verus honor & solida quies, alia mercede iustius digniusve comparari potest, quā honesto labore: prout scitè graphicaeque explicuit: his versibus Poëta Christianus.

*In virtute labor, sed in ipso certa labore
 Dona: fit ex operis merces: aeterna resurgit
 De sudore quies, & de mœrore voluptas.
 Non habet ex omni numero, plebisque, patrūmque
 Victtricem (nisi qui potuit certare) coronam:
 Et multis certare datur, sed vincere paucis:
 Atque coronari, & celebres vectare triumphos.
 Quapro-*

*Mantua
 lib. 1. C
 struction*

Quapropter blandis Syrenum vocibus
 aures occludam. & omnia ista quibus mi-
 hi applaudunt Múduſ, Caro, ac Diabolus,
 propter Chriſtum detrimentum faciam:
 & execrabor tanquam ſtercora. Sequar il-
 lud non vſque adeo vetuſ quàm ſalutare
 conſilium, quo principio Chriſto domi-
 no meo, me deuinxi, renunciando Satanæ &
 omnibus pompis eius. Abrenuncio tibi
 Satan, & coniungor tibi Chriſte, Ecce ſi-
 gnum domini noſtri Ieſu Chriſti, † fu-
 gite partes aduerſæ, & nolite nocere ſeruo
 Dei veri & viui.

riſoſt.
 4.
 mil. 21

TENTATIONIS

tertiæ depulſio.

Cap. 6.



ERQVAMARDVA certè
 eſt poſtrema tentatio,
 nec facile cuiquam ci-
 tra diuinam opem eui-
 tabilis. Verũ hĩc omnis
 Chriſtianuſ cum ſancto

Propheta imperterrituſ ſuper cuſtodiam
 ſuam ſtabit, dicetque: In te eripiar à tenta-
 tione, & in Deo meo tráſgrediar murum.

ech. 2.
 m. 17.

Hic

Hic sumet scutum inexpugnabile verita-^{Sap. 5.} tem, induet pro thorace iustitiam, & pro galea iudicium certū, ad resistendum contra insensatos orbis terræ. Porrò ad contendendum frangendūque hostem sibi accinget imitatione fortissimi atque inuictissimi ducis, gladium spiritus, quod est verbum Dei: nec pigebit iram illam, quæ sine peccato est, in diram lanceam acuere, vt cū Christo fortiter dicat: Vade Satana. Scriptum est: Dominum Deum tuum adora-^{Matth. 4.} bis, & illi soli seruies. Non adoro ego Ba-^{Deuter. 6.} alin: non Mammona, Asmodeum, Astaroth. Moloch, non Iouem, Neptunū, Bacchum, Iunonem, Venerem, Palladē, Æsculapium, non denique Solem, Lunam, aut reliquam cœli militiā: quæ nil aliud sunt quàm mera gentilitiæ superstitionis atque malorum dæmonum inuenta. Omnes dij Gétium dæmonia, dominus autem cœlos fecit. Deum adoro, quem vitæ datorem ac redemptorē per Christum agnosco: quem & militiæ istius (in qua defudo) retributorem liberalissimū expecto: huic totum me deuoueo, quia huic totum me debeo. Omnes eius amicos seruos, cum viuos tum mortuos propter eius reuerentiam debita

ven e-

veneratione obferuo: illis salutē & vitam
 omniāque mea commēdo tanquam sum-
 mis & certissimis suffragatoribus meis a-
 pud diuinam clementiam, sufficienter ea-
 rum rerum fiduciāque huius salutaris ad-
 monitus voce prophetæ, dicentis: Mihi au-
 tem nimis honorati sunt amici tui Deus,
 nimis confortatus est principatus eorum.
 Quid hic auribus nostris obgāniunt An-
 tichristi (volentis, & iam iam parantis ex-
 tolli suprà id omne quod dicitur Deus)
 præcursores vanitatem, & loquuntur men-
 dacium, dicētes: Hæc omnia tibi dabimus,
 si cadens adoraueris bestiam? quod si face-
 rem, vtique non vsque adeo bestiam quā
 promissos honores, thesauros, delitiāsque
 carnis adorare putarer. quā stolidum au-
 tem ac belluinum sit vllum diuinitatis nu-
 men momentaneis istis & caducis rebus
 tribuere, Esaïas ille satis supérque cōmon-
 strat libera voce clamantis in deserto. Om-
 nis caro fœnum, & omnis gloria eius qua-
 si flos agri: Exiccatum est fœnum & ceci-
 dit flos, verbum autem domini manet in
 æternum. Egone herbam vel fungum im-
 becillem te suasore mihi Deum cōstituā?
 Ego brachium meum exosculabor? Ego
 ventri

ventri aut carni supplex procūbam? Egon
 inconstanti instabilique fortunæ litabo?
 Non faciam. Audiam potiùs quid loqua-
 tur in me dominus Deus, & sanctissimus
 eius spiritus: nā & mihi Deo adherere me-
 lius est, ac ponere in illo spem atque expe-
 ctationem meam. Dicam domino, susce-
 ptor meus es tu, adiutor meus & redem-
 ptor meus in opportunitatibus in tribula-
 tione. A fungis autē & fictilibus istis quid
 auxiliij præstantis expectare queat homo?
 Scio quid velint & quo tendāt nebulones
 ac tenebriones nostri. Malis dēmonum ar-
 tibus imbuti, homines à vera pietate & san-
 cto Dei cultu ad seruiendum barathro iis
 præstigiis traducere conantur. hoc à princi-
 pio saxum voluebat, & vsque ad hanc diē
 voluit Sisyphus ille Lucifer, qui mane orie-
 batur, & volens Deo equari, & pro Deo
 coli dicebat in corde suo: Ascēdam in cœ-
 lum, & ero similis altiss. Verūm qui ascen-
 su solium Dei omnipotentis affectabat,
 sicut fulgur in abyssum infimam præceps
 corruit, dignitate malè petita priuatus: sed
 pertinacie contumaciēque affectum per-
 petuò seruans. Vnde nobis hodie per pro-
 phetas suos persuadere conatur discessio-
 nem

nem à Deo, inuidens scilicet nostro generi suam foelicitatem, & repromissas beatitudinis sedes, à quibus deiectus fuit. Ideoque recóditas coelestis patriæ opes, veram & núquam perituram gloriam, nunquam ille promittit: sed falsas delitias seculi, & fastuosam mundi pompam, pessimis quibusque perceptibilem. Idque obiecta conditione omagij nefandissimi. Si nobis adhæseris. Si nos nostrámque religionem complecti voles, si ab Ecclesia Romana, Ecclesia vtique catholica & apostolica ad nostram apostataueris, si denique à beato Petro Apostolorum principe ad hæresiarum pessimum Caluinum, Martinúmve Lutherum, aut alium quemuis Neochristianum desciscas. Sed quæ tandé istorum bonitas, aut singularis virtutis præstantia, vt relictæ Saluatoris pascua, ad eorum me Ecclesiam trāsferam? Martinũ Lutherum norunt omnes principio sancti Augustini institutum suscepisse, atque deinceps ordinis propositique pertesum (cuculo reiecto) voluptatibus defluentem, monialem quandam (quæ & ipsa votiuum peplum virginalémque cōculcauerat fasciam) pro coniuge habuisse. Monachus scilicet monacham

nacham, incestusque incestam duxit, vt
gemino sese sacrilegio polluerent.

*Horrida Tyſiphone thalamis vlulauit in iſtis,
Suntque ſepulchrali lumina mota face.*

Ouidius.

Caluinũ nouerunt Nouiomenses noſtri,
prima ætate, inter diſſolutos ſuæ vrbiſ vi-
ros, diſſolutiſſimum: inter inconstantes, &
fœdifragos inconstantiſſimum. Quæ tali-
bus auſpiciis, talique principatu, primor-
dia ſua recipit, Eccleſia, nequit non eſſe ſu-
ſpecta impietatiſ. Quæ vera & legitima eſt,
fundatur ſupra firmam petram: ſolida &
conſtans manet, neque vëtorum impetus,
neque aquarum colluuiem timēs. Verũ
iſta quam audio, Genebiſ & Lauzannę ex-
trui: tamenſi ex diuerſiſ terrarum anguliſ
exantlato labore ſibi lapideſ quærat, quia
ſuper arenã, id eſt ſuper leuiũ impurorũq;
viroꝝ iudiciũ ædificatur, diutiuſ ſtare
non poterit. Primo quoque bellorum tur-
bine ſeditioniſve impetu ac tēpeſtate cor-
ruet. Quinetiam vt procedente principio
illiſ proſperè cedat, tandem confuſiſ do-
ctozũ atque ædificatium ſibi mutuò ad-
uerſantiũ labiis, ad inſtar turriſ Babel in-
terrúpetur opus, nec vnquam perueniet ad
perfectũ. Tunc, tũc, corruet ſuperba illa

Genef.

F Babilon

Babylon quę in fronte habet literis aureis
 scriptum myſteriũ. Myſterium vtique tar-
 tareum, & ad tartari abyſſos imprudentes,
 ac deliros homines pertrahens. Veniet cer-
 tē & (ni fallor) proximat tēpus quo in vo-
 bis implebitur tremendum atque horribi-
 le illud iudiciũ, quod in Apocalypſi vo-
 bis interminatur Apoſtolus Chriſto dile-
 ctus Ioannes: Vē vē, Ciuitas illa magna Ba-
 bylon, ciuitas illa fortis: quoniam vna ho-
 ra venit iudiciũ tuum. qui legit, intelligat.
 Veniet certē vna hora quādo iam Deo mi-
 ſerante, principes Chriſtiani pace ęterna
 confœderati, conuenient in vnum pro do-
 mino Deo & Chriſto eius, id eſt Pontifice
 Romano aduerſus iſtam quam ędificatis
 Babylonem: & tūc iudiciũ veſtrum erit.
 Negociatores terrę, id eſt terreſtriũ & car-
 naliũ, ac mūdānorum deſideriorum, tūc
 flebunt ac lugebunt ſuper illā, quoniā mer-
 ces eorum nemo emet amplius. Merces in-
 quā auri, & argēti, lapidis precioſi, & mar-
 gariti, byſſi, & purpurę, & ſerici, & cocci.
 Omne lignũ tignum, omnia vaſa eboris,
 vaſa de lapide precioſo, & ęramēto, & fer-
 ro, & marmore, & cinamomũ, & amomũ,
 & odoramentorum vnguenti, & thuris &
 vini

vini, & olei & simile, & tritici, & iumentorum, equorum, rhedarum, micipiorum, & animarum hominum, & poma desiderij, ac voluptatis: quę reuera si propius spectantur, sunt illa ipsa quę repromittitis sectatoribus vestris, rhetia Diaboli in mortem & perditionē laxata, quę tūc certē nemo recipiet cum vobis repentina ingruerit tēpestas, cū super Sodomeas & Gomorrheas vrbes vestras incāduerint ignes & fulgura furoris domini. Tūc, mercatores vestri lugebunt & flebunt. Tunc inquam flebunt, euentes & vendentes vestri, cum vindice Dei viui flagello omnia impietatis suę mercimoniam euerfa cernentes, introibunt in inferiora terrę, tradentur in manus gladij, & partes vulpium inferarum erunt. Tunc fera miseri ducentur pœnitētia, si modò pœnitentia vlla, vllō tormentorū timore moueri possunt hēretici & pertinaces viri, sicut, nonnunquam accidit, vt post plagas stulti quoque & bestię sapiant. Tunc singulis vestrūm dicetur: Complica mercator tuas merces. Ego tanti pœnitere non emo. Quinimo si possiderem hoc fecis ac sterquilinij genus lubens, dato precio extruderem, ne fortē huiusmodi vanis & futili-

bus fortunę ludibriis illect⁹ animus à pietate & maiorum nostrorum religione abduceretur: néve imprudens honores ac diuitias, aut ventrem mihi deos cōstituerem, genua curuans ad adorandū Satanam mūdi principem. Has insidias præcauēs inclytus ille rex Salomō. Deo hac oratione supplicabat. Duo rogavi te, ne deneges mihi antequam moriar. Vanitatē & verba mendacij longe fac à me. Mendicitatem & diuitias ne dederis mihi, tribue tātummodo victui meo necessaria, ne fortē satiatus illiciar ad te negandum, & dicam: quis est dominus? aut egestate cōpulsus furer & perire nomen Dei mei. Deprecatur, & à se grauib⁹ de causis remoueri postulat vir sapientissimus opulentiam: & tu premij cuiusdam amplissimi loco mihi diuitias obtēdis? suspecta mihi sunt tua dona. Ipsę opes (vt cetera præteream) pungentes sunt possessoribus suis spinarū aculei: quę cum assiduo labore acquiruntur, cum anxia sollicitudine conseruātur acquisitę, cum tædio denique & dolore maximo vel perduntur vel relinquuntur. Quibus accuratē ponderatis, nullus est tam cæcus aut mentis inops qui non faciliē iudicet opulentiam

tiam plus aloes quàm mellis habere: plus
 abfynthij ac rutæ quàm pulegij, ac veri dul-
 coris continere. Quod proculdubio planè
 sensit emunctę naris philosophus Ana-
 creon: qui quinque talētis à Polycrate do-
 natus cùm per duas noctes pro ipsis custo-
 diendis somnos interrupisset, eadem red-
 didit, dicēs: Non esse tanti quāta pro ipsis
 suscipiēda esset sollicitudo. Et quis fuit ille
 veterum philosophorū qui hoc tanquam
 superfluò diuitiarum onere se grauātū sen-
 tiens, magnam vim auri atque argenti in
 mare proiciens, ait: Ite pessum malę diui-
 tię: malo vos mergere quàm à vobis mer-
 gi. Verū est profecto, quod obseruato rerū
 vsu sapiētes dixere, multis illum egere qui
 multa habet: magnāmque indigentia non
 vsque adeo ex inopia, quàm ex magna co-
 pia nasci. multa siquidem desiderantur ad
 multa quæ habeas tuēda. His accedit quòd
 diuitias secum nemo aufert cùm hinc di-
 scedendū est. Nihil intulimus in hūc mun-
 dum (inquit Apostolus) certum est, quia
 & nihil auferemus. Tūc miseris diuitibus
 perinde accidit atq; comediarū actoribus à
 spectaculis populo exhibitis, qui nō ideo
 domum suam feliciores reuertūtur, quòd

Anacreon

*Gellius li. 9
noct. cap. 8.*

Dei vel Regis personam magno, elegantique fastu & comptu in scena egerint, sed isto splendore exuti viles conditionis sue pannos resumunt, & consuetas artes ad victum queritadum exercent. Terra vniuersos homines nudos accipit, nudos item redditura est. Ob idque bene prudentérque monemur scripturis, in cœlo potiùs quam in terra thesaurizare. Ad quam sententiã diuinus Psaltes: Diuitiæ si affluant, nolite cor apponere. Et Apostolus ad *Timoth.* 6 scribens: diuitibus huius seculi, præcipe nõ sublime sapere, neque sperare in incerto diuitiarum, sed in Deo viuo qui præstat nobis omnia abundè ad fruendum, bene agere, diuites fieri in operibus bonis, facile tribuere, communicare, thesaurizare sibi fundamentum bonum in futurum, vt apprehendant vitam eternã. Timorem mihi ingerit Saluatoris dictum. Luc. 18. Quàm difficile qui pecunias habent, intrabunt in regnum Dei. Sed, Quis tandem es qui ista tam asseueranter promittis? Nuntius ais prædiuitis Reipublice Genebensis, planè inops, & Codro pauperior. Cur non prior de huiusmodi filiquis vëtre, crumenam, atque arcam replebas, vt sic auro, argento, omnique

omnique ornatu splendēs, facilius nostrę
genti imponeres. Suspecta mihi tua fides,
suspecta promissa, suspectę quoque mihi
diuitiæ, ideóque istis omnibus perquàm
lubens renuntio, & consilia Pauli sequu-
tus: Nunquàm sperabo in incerto di-
uitiarum, nec animulam hanc, quam
mihi dedit Deus pecunia commutabo.
Gratiam insuper & fauorem magnatum
polliceris: At princeps Dauid expertus
pleries in curia Saulis,quàm lubrica & pa-
rum stabilis sit principum gratia, ipse me
in contrarium trahit dicens. Nolite confi- *Psalms.*
dere in principibus,neque in filiis homi-
num in quibus nō est salus. Et Hieremias. *Hiere. 17.*
Maledictus vir qui confidit in homine, &
qui ponit carnē brachium suum: & à do-
mino recedit cor eius:erit enim,quasi my-
ricæ in deserto,& non videbit, cum veniet
bonum,&c. Benedictus vir qui confidit in
domino, & erit dominus fiducia eius, &
erit quasi lignum quod transplantatur su-
per aquas,&c. Ego hanc tyrannorum tuo-
rum, spem fallacem, ne quidem obolo li-
ceor. Pulchram generosámque,ac locuple-
tem sortieris coniugem(inquis). Ohe iam
repente ex concionatore ac Euangelista,

mihi factus videris Hymeneus, aut pronubus quidam, nuptiarum foederum curator eximius.

Quo teneam vultus mutantem Protea nodo?

Quasi virginum matronarumque vestratum connubia, in iudicio arbitratumque solo coquiescant tuo, ut cum Iunone Vergiliana dicas.

Sunt mihi bisseptem (dic si vis tercentum) præstanti corpore nymphae:

*Quarum quæ formæ est pulcherrima Deiopeïa,
Connubio iungam stabili, propriamque dicabo:
Omnes ut tecum meritis pro talibus annos
Exigat, & pulchra faciat te prole parentem.*

Verum fatebor: hinc quoque fidem vocemque tuam habeo suspectam: & timeo cum tibi annuero, & eo peruentum fuerit, ne pro formosa Rachele, gybosam cytharistriam lippamve, aliquam mihi furtim supponas: aut incestam Herodiadem pro pudica Sunamitide: vel pro electa virgine, scortum. Nam apud vos tales multæ comperiuntur: quæ foedere sponsi coelestis abrupto, quo liberius desideria carnis expleant, & honestius luxurientur, de nuptiis cogitant.

Speciosa (videlicet) nomina culpæ imponit

Me-

Medea sua.

At verò faciamus, vt nihil istorum tristium, in nuptiis contingat & Corneliam Vetruriámve alteram quis ducat: nihilo minus sine cura & anxietate, nunquam viuet Apostolò testante. Qui tribulationem carnis matrimonio sociã describit. Quod ipsum Anaxádrides, scripto perquam eleganti & proprio nobis expresit.

Quisquis vxorem ducere deliberat,

Vbi deliberauit, statim ducit,

Quod multorum vitæ malorum initium est.

Nam si quis pauper pecuniosam vxorem

Duxerit, non vxorem, sed dominam habet,

Cuius famulus est, & seruus: quòd si duxerit

Nihil differente in dotis, iterum fit seruus:

Oportet enim deinceps vnius loco duos alere.

Duxit aliquis turpem, non amplius ei iucunda est vita.

Neque omnino domum ingredi lubet.

Formosa ducitur, nõ est illa magis mariti, quàm vicinorum.

Itaque nullo modo malum cauere potes.

Ad hæc mala hoc quoque accedit, vt quamtulúcnque est in coniugio bonum, illud perquam breue sit: neque diuturnitate neque sanctimonia, illi respondens An-
geli-

Anaxádrides.

gelico pudori, à quo nos diuellere tentas. Ad Saluatoris enim dictum in cœlo cessaturus est nuptiarum vsus. Nam parturiginēs, coniugum mortes, filiorum orbitates, & sexcenta alia istis similia, prætereo. Quod honores ampliss. dignitatēque ac magistratus in republica pollicentur angeli Satanæ, nihilo plus momenti ad persuadendum viro cordato sapientique adfertur: Nam & Dauid exclamat de Seiano quodam: Vidi impium superexaltatum & eleuatum sicut cedros libani: Transiui, & ecce non erat: quæsiui & non est inuentus locus eius. Quibus confinia sunt quæ alibi scribit Iuuenalis:

Psalm.

Satyr.

*Nocitura togæ, nocitura petuntur
Militia: & torrens dicendi copia multis,
Et sua mortifera est facundia:
Pœnituit multos Vanæ, sterilisque cathedræ.
Quosdam præcipitat subiecta potentia magnæ
Inuidiæ: mergit longa atque insignis honorum
Pagina.*

Dignitates enim ac magistratus ampliss. ferè consequitur inuidia multorum: & ad Sapientis dictum qui addit alicui honorem, laborem quoque, atque onus nō mediocre adiungit. Ob idque Imperatores clarif.

clarissimi ac potentiss. oblata sibi vltro imperia, vel recusarunt, vel aliquandiu gubernata subditorum sibi populorum arbitrio reliquerunt: hoc veluti graui & intollerabili iugo colla eximentes. Quod de literarum linguarumque peritia adfertur, plus gratiæ & fauoris promereri posse fortasse cuiquam videbitur: sed homini technarum vestrarum experti: ei videlicet, qui arborem potius ex foliis & floribus, quàm ex fructu æstimarit. Neque verò facile credam purius diligentiusve scripturarum sensa in vestris Academiis vestigari, quàm in nostris: & id sufficienter produnt scripta doctorum vestrarum: quæ preter impietatem, blasphemiam, & contumeliosam quandam nugacitatem, sapiunt nihil. Adhæc isthanc sophisticā mundi sapientiam mihi prorsus exosam reddit Sanctus Propheta, atque ab illius studio retrahit, cum ait: Quoniam non cognoui literaturam, Introibo in potentias domini: domine memorabor iustitiæ tuę solius. Malo, & mihi multo melius est, nihil scire, quàm per seculi sapientiam Deum ignorare: Ascendam cum Zacheo in arborem ficorum: Stultumque Dei eligam, ne tandem

Psalm.

dem euaporata, atque euanida sapientia: In conspectu angelorum confundar. Nec verò de artium varietate, & multiplici rerū scientia, sed (quod bonis omnibus solatio maximo esse debet) de pietatis & misericordiæ operibus iudicabitur mūdus. Perdet autem Deus sapientiam sapientium, & prudentiam prudentium reprobabit. Porro linguæ ad modicum vtilis sunt, nec tanti esse debent bono viro, vt earum gratia ab obseruantia & religione maiorum se subtrahat. Mauult Apostolus quinque verba sensu suo in Ecclesia loqui, quàm decem milia verborū in linguis. Linguarū curiositatē plurima mala hominibus innexisse, errorūmq; præcipuam fautricem fuisse, grauissimorum autorum sententia accepimus: atque imprimis beati Hieronymi, qui quanquam linguarum callentissimus esset, aduersus Iouinianum scribens, *Quadringenti fermè (inquit) sunt anni, ex quo Christi prædicatio fulget in mūdo, ex quo innumerabiles hēreses tunicam illius consciderunt, Vniuersus penè error de Chaldeo, Syro & Græco sermone processerat: Basilides magister luxuriæ post tot annos in Iouinianum quasi in Euphorbum translatus*

translatus est, vt Latina quoq; lingua suam
 hæresim haberet. Nec verò solùm pietati,
 verumetiã ordini politico noxium cēsuīt
 linguarum studium. M. ille Cato celeberrimum
 gentis Romanæ oraculum: qui de Græcis ad
 M. filium scribens, Dicam de istis suo loco
 quid Athenis exquisitum habeam, & quod bonum
 sit eorum literas inspicere non perdiscere.
 Vincam nequissimum & indocile genus illorum.
 Et hoc puta Vatem dixisse. Quodocunque ista
 gens suas literas dabit, omnia corrumpet.
 hæc ille. Sed illo fortiolem habemus sanctorum
 patrum ac Prophetarum sermonem, qui protestantur
 affore tempus, cū destructa linguarum istarum
 varietate (nam & linguæ cessabunt, & scientia
 destruetur, illa vna excepta, quæ Dei cognitionem
 amplexans, nos in coelū subsequetur) omnes vno ore
 & lingua vna in ciuitate dei glorificabimus
 patrem luminum. Hæc nouissima lingua
 beatitudinis æternæ non in æmulatione, superbia,
 curiositate, aut congeneneis peccatorum formis,
 sed in charitate radicabitur: sine qua nec
 sibi profuturum quicquam sperat Apostolus,
 si vel angelorum linguis loquatur.

Et quis

Plin. lib.

29. cap. 1

Natural

hist.

1. Cor. 1

Et quis est tam hebetis atque obtusi animi, qui non ducat in immensum præstantius esse bene viuere, quàm disertè ac vario idiomate loqui? Venio ad eam quæ nouissimo loco promittebatur viuendi libertatem: quam reuera plurimi facerem, & totis vlnis viro bono complectédam putarem, si nos à seruitute peccati liberaret. Ab hac autè salubri cogitatione me reuocat, quòd subolfacio nescio quid portenti, dum gna uiter dissefsionè à regibus & sanctissimo Pontifice Romano suaderi còspicio: ideòque verèor, ne qui ita alios hortantur, sint eorum affeclæ, de quibus in canonica scriptis beatus Petrus: Qui superba vanitatis loquentes, pelliciunt in desideriis carnis luxuriæ eos qui paululum effugiunt, & in errore conuersantur, promittentes illis libertatem, cùm ipsi sint serui corruptionis. A quo enim quis superatur, huius est & seruus. Constat inter Neochristianos nostros non paucos reperiri filios Belial, qui iugo dominationis & potentatus omnis excusso, neque Deum timèt, neque homines reuerentur. Prohibeat Deus Opt. Max. qui me docuit à iuuentute mea, ne inueniar illorum particeps, néve in consilium eorum veniat

veniat anima mea. Absit à me vt cum cruento Pharaone, vel blasphemio Antiocho efferar animo, & dicam: Nescio Dominū: & Quis est Dominus? Deum vniuersorum regem ac dominum agnosco, Regem vtique Regum, & dominantium dominum. Cuius reuerentia non modò Pontificibus & Regibus, sed ne quidem plebeis & popularibus viris subiici à me alienū putabo. Adhærebóque salutaribus ^{1. Petr. 2.} monitis eiusdem Apostoli Petri, dicentis: Subiecti estote omni humanæ creaturæ propter Deum: siue Regi, quasi præexcellenti, siue Ducibus tanquam ab eo missis, ad vindictam malefactorum, laudem verò bonorum: quia sic est voluntas Dei, vt benefacientes, obmutescere faciatis imprudentium hominum ignorantiam: quasi liberi, & non quasi velamen malitiæ habentes libertatem, sed sicut serui Dei. Hæc certè est foelix beatáque seruitus, quæ nec libertatem spiritus tollit, nec permittit hominem ire in tenebras, sed transfert in regnum cœleste: vbi plena est ac perfectissima libertatis fruitio, cuius euentus fortunati cōsideratione, protestamur Christiani Deo seruire nil aliud esse quàm excellentis

August. li. i. ver. Rei p. 48. lentis cuiusdã regni speciẽ tenere. Quem delectat libertas (inquit August.) ab amore mutabilium rerum liber esse appetat: & quem regnare delectat vni omniũ regnatori Deo subditus hæreat: plus eũ diligendo, quàm seipsum. Cõfert capita, vel quãtum audio proximis diebus contulit impietatis Synagoga: prospectura qualiter Ecclesię Romanę prædia, reliquasque possessiones Ecclesiasticas sibi, quo iure quaque iniuria vindicare poterit. An non hoc erat raptorum conciliabulum, aut si maioris tortorum iterato Christum ad crucifigendum spoliantium? Est (inquiũt) penes nos autoritas imperij, qua inconsulta non potuit Constantinus, aut alius quivis Imperator post eũ, agri illius dominiũ in Ecclesiam transferre. Ad hæc Sacerdotes legis Mosaicę prohibiti sunt venire cũ reliquis tribubus in sortem hereditatis, eo quod Deus ipse pars illorum esset, qui decimas, primitias, & oblationes illis ad educationem familię resignarat, & vrbes certas inter contribules suos illis ad inhabitandum destinaverat. propter quẽ concludere parant Ecclesias nullos redditus annuos, nullaq; prædia possidere debere. Nec desunt
proh

proh pudor, qui omnia Regum atque Imperatorum esse cõtendant, & legem illam tyrannicam, quæ describitur primo libro Regum ad auertendum populum à Regis petitione, seriam esse velint. Hæc est vetus tyrannorum querela, quibus cùm nequidem orbis vnus sufficiat, spoliatis Ecclesiis nihilo ditiores facti, tandem ferè paupertate pressi, & fœdissima corporis tabe consumpti, miseras animas exhalant. Istis omnibus compendio perquam eleganter satisfacit S. Ambrosius Ecclesiæ doctor, quondã Mediolanẽsis Episcopus, & Cano. eius verba 23. quæst. 8. Conuenior. vbi præter cætera. Quæ diuina sunt, imperatoriæ potestati non sunt subiecta. Si de me aliquid posceretur, aut fundus, aut domus, aut ager, aut aurum, aut argentum, id quod mei iuris esset, libenter offerrem. Templo Domini nihil possum nec decerpere, nec decerpendũ tradere: cùm illud custodiendum, non tradendũ acceperim. Consulere me oportet Imperatoris salutis: quia nec mihi expediret tradere, nec illi accipere. Accipiat vocem liberi sacerdotis. Si vult sibi esse cõsultũ, recedat à Christi iniuria. Sanctus vir Naboth vites suas proprio

G cruore

1. Reg. 8.

23. quæst.
Conuenior

cruore defendit. Si ille vineam propriam non tradidit, trademus Christi Ecclesiam? Reuocant in dubium filij Belial, an dos sua manere debeat Christianorum Ecclesiis, tanquam catuli leonum rugientes & quærentes non à Deo, sed à diabolo escam sibi. Vident Ecclesiasticos prout præcepit eis Christus, Simplicitem columbinam atque ouillam innocentiam sectari, ideoque illos ad deuorandum persequuntur. Tollendos putant agros Ecclesiæ, ne attenuetur maiestas imperij, verum iis aliquando sustentatum est ne rueret imperij sceptrum. At id potius me iudice in quaestionem reuocari oportuit: An penes Apostatas manere debeat monarchiæ delectus: qui maioribus eorum olim propter fidei integritatē delatus fuerat. Nā de Constantini aliorumq; Imperatorū donationibus, nequicquam ab eis murmuratur. Quibus tunc temporis nihil iuris erat in imperio quod nūc primū sub Carol. Magn. Sāctiss. principis gratia & bonitate acquisitū est. Hoc quicquid est controuersiæ, ni fallor, breui componetur, quando in illis impletum videbimus Christi Saluatoris paradigma. Omni habenti dabitur, & ei qui nō habet

habet, etiam quod habet auferetur ab eo. Quod autem ad impij decreti confirmationem citatur de Sacerdotio veteri, non plus rationis habet, quàm si ius primitiuorum à vobis hodie poscere vellent, hoc prætextu Ecclesiæ ministri. Ex quo clarũ & spectatũ satis omnibus esse potest. Satanam eorum cor seduxisse qui ista mouent, illõsque impegisse in crimen scelerati Balaam: qui corruptus mercede iniquitatis, voluit populo Dei maledicere, nec potuit.

Numeri 2

Quid non mortalia pectora cogis

Verg. 3.

Auri sacra fames?

Æneidos

Iam pridem contra donationem Constantini per malos quosdam genios acclamatum est, aut verius exhibatum: sed nihil eorum sibilo actum est: quo minus bonorum omnium consensu, Ecclesiæ Censum modicum possiderent ad sui manutentionem, & pauperum subleuationem. An verò hi sunt thesauri quos tanta confidentia sectatoribus vestræ scholæ repromittitis? Facturi deinceps proselytos duplo vobis deteriores. At verò neque vos, neque coniuratores & conspiratores vestri, gaudebitis vnquam hereditate domini. Non enim relicturus est dominus virgā peccatorum

cleſię. Scato (inquit ille) circundabit te ve *Psalm. 90*
 ritas eius, non timebis à timore nocturno.
 Nox certè nihil aliud eſt quàm vmbra:
 corpus verò & caro, quid aliud ſunt, quā
 animę vmbra? Quiſquis vmbra ſuam ti
 met, formidoloſus nimirum eſt, & puſil
 lanimis. hunc autem timor nocturnus in
 feſtat, qui propter vmbra, id eſt carnis
 mollitiem, abſtinentiam, ieiunium, conti
 nentiam, caſtitatem, diſciplinam, pauper
 tatem, & vigiliarum orationiſque onus a
 uerſatur: quem timorem eliminat & foras
 mittit charitas perfectā: quę etiam num
 hominibus ingerit carnis laſciuientis con
 temptū: & frenos moderationis adhibens,
 docet hominem ſubdi Deo. Hic radius e
 ſcuto veritatis prodiens, huius vmbroſę
 noctis peccati timorem aufert. Nunc qui
 dē ob oculos animi peccata quę fecimus
 obſciens, quatenus eorum recordatione
 cum Sancto Propheta, In flagella parati *Psalm. 37*
 ſimus (per ſatiſfactionis propoſitū) annū
 ciantes (confelſione oris ſacerdoti) iniqui
 tatem noſtram, & cogitantes (ſalubri cor
 dis compunctione) pro peccato noſtro.
 Nunc verò æterna ſupplicia cōmonſtrās,
 vt illorum conſiderationēque pro innu
 mera

merabilibus delictis nostris meruimus, poenitentiae laborem delicias reputemus. Nunc coelestia praemia ad quae tendimus, quo sic eorum dulcedine mitescat ac mitigetur compunctionis amaror, & hoc veluti pulegio afflictionis temperetur Ruta: Quoniam non sunt condignae passiones huius temporis ad futuram gloriam quae reuelabitur in nobis. Nunc etiam illa quae pro nobis pertulit Christus, ut considerantes quanta pro inutilibus servis sustinuit maiestas, erubescamus non sustinere modica pro nobis. Hae veritatis luce veluti scuto quodam protegimur aduersus timorem huius umbræ mortalis: quae praecedentibus admonita, ultro colla rationi subiicit: cinerem tanquam panem manducans, & potum suum cum fletu miscens. In hoc scuto depulit Christus, primum aduersarii iaculum, cum dixit, scriptum est: Non in solo pane viuit homo, &c. Circundat insuper & protegit nos veritatis diuinæ scutum à sagitta volante in die, quae tametsi leniter volat, & leuiter, ac (ut sic loquar) imperceptibiliter penetrat: mortiferum tamen infligit vulnus. Haec est vana gloria & praesumptionis elatio: quae sensim furtimque irre-

irrepens, sanctos quoque & Dei zelo fer-
 uentes viros, nisi diligēter sibi caueant, gra-
 uiter lauciat. Hac principio concidere pri-
 mi parentes nostri, audiētes à serpēte: Eri-
 tis sicut dij, scientes bonum & malum. hac *Genes. 3.*
 infestatus Aaron cū Maria sorore & aliis
 prope innumeris, vt aduersus sanctū Moy-
 sen murmurarent, eius gloriæ inuidentes:
 hac aliquando inclytus rex Dauid cespita-
 uit. Verū Christus antesignanus noster
 tunc fortiter illam à se repulit, cū scutū
 veritatis tentatori opponens, dixit: Scriptū
 est, non tentabis dominum deum tuum.
 Et nos eius exemplo hanc deuitabimus, si
 veritatis huius radius animabus nostris il-
 luxerit: cuius fulgore pannos infirmitatis
 humanæ, & menstruata sanctitatem no-
 stram discutiētes, nosmetipsos adamus sim-
 diudicemus. Nam si propositam contem-
 plemur corruptionem in multis offendi-
 mus omnes, nec sumus illo præstantiores,
 qui dicebat: Scio quia non habitat in me,
 id est in carne mea, bonum. Et si eo perfe-
 ctionis promouerit quispiā vt nullius cri- *Rom. 7.*
 minis conscientia præmatur, intelligat ta-
 men eodem apostolo doctore se non in
 hoc iustificatam esse. Vel si se putat in ali-

virus, pestis occulta, doli artifex, mater hypocrisis, liuoris parens, vitiorum origo, criminum fomes, virtutum erugo, tinea sanctitatis, excæcatrix cordium, ex remediis morbos creans, generans ex medicina languorem, Malum utiq; placidum & delectabile. Hæc plerunque supplantat eum quem neque nox aduersitatis, neque dies prosperitatis turbauit: Acciditque ut cuius appetitum vanitatis siliqua non irritauit, illius animum soliditatis apparentia, surripiant, ac deprædentur honorum gradus: & congestæ multo studio fortunæ. Quis neget, aut non sibi facile persuadeat, vnūquemque quo est virtutis, & bonarum literarum cumulatior, eo digniorē esse, qui summos magistratus primosque honores in republica teneat. & diuitiarum adipe perfruatur? Verū ista honorum fortunarūque affluentia, multos de gradu perfectionis deiecit, mentis alienationem ac iusti obliuionem inducens: honores (iuxta vulgatum Prouerb.) mutant mores: & plerunque homines faciunt Leones.

Ludit (vtrorumque istorum) amor sensus, *Mantua.*
Bucol.
animos præstringit, & aufert.

Hoc certè est negotium perambulans
in te-

*Lucæ. 12.
Sap. 6.*

in tenebris, quod specie iusti principio incautos fallit, ut quærant opes ac dignitates, quibus demum adeptis, iudiciû discretionis aufert, ne quod rectum est agnoscant. Veruntamen & in iis angustiis scuto veritatis protegemur, si ob oculos nostros ponamus ab eo multû repeti, cui multum tributum est: & potentes potenter tormenta pati. In honorû diuitiarûmq; ambitu friuola est omnis cõsolatio: Vsus brevis finis ignotus, graue & perplexitatis plenû iudiciû. Quid verò prodest homini, si mundû vniuersum lucretur, seipsum autẽ perdat, & detrimẽtum sui faciat? Hæ sanctæ cogitationes quę separât à diabolo, & nos coniungunt Deo. pro veritatis habendæ sunt scuto, cuius fulgore illustratus animus, nec honores, nec diuitias appetit. Oblatas quoque plerumque respuit, vel si acceptare cogitur, illis cor non apponit, & Apostoli cõfilio hoc mundo vitur, quasi non vtens. Accedit ad hoc veritatis scutum noua claritas ex verbo redẽptoris: Dominû deum tuû adorabis, & illi soli seruias: quam nec valēs sustinere princeps tenebrarum ab eo recessit. sed duntaxat ad tempus (sic enim scribit alius Euangelista:) Nobis ex hoc fa
Et o

Matth. 16.

Lucæ. 4.

Et reuelante spiritu sancto, nunquam Ec-
 clesiae militanti defuturam tentationem,
 quanuis aliquādo illi sicut & priuatim no-
 bis cōtingant tentationum induciæ. Hinc
 est quod in Psalmo subiungitur ab incur-
 su & dæmonio meridiano protectum iri
 eum qui ambulat & habitat in adiutorio
 altissimi. Vbi vt cætera præcedentibus re-
 spōdeant per incursum non incommode
 mihi videntur significari priuatæ hæreti-
 corum contumeliæ atque insidiæ: quæ ho-
 die passim tenduntur, & sunt Ecclesiae fi-
 liis: à cōspiratoribus & apostatis, dum illis
 misericordiam denegāt, victus media tol-
 lentes, minas intentant & possessionibus
 spoliant, dum illis iustitiam iustitięque or-
 dinem turbant, implicantes & confunden-
 tes iura ad hereticę perfidiæ leuamen. Vbi
 & nos scuto veritatis suę protegit Deus
 per Christum, sic nos admonēs: Beati estis
 cum maledixerint vobis homines, & per-
 secuti vos fuerint, & dixerint omne malū
 aduersum vos mētientes, propter me. Gau-
 dete in illa die & exultate, ecce enim mer-
 ces vestra copiosa est in coelis. Arguor se-
 ditionis, quia in hereticos inuehor: verūm
 Deus me pacificum agnoscit, & hoc nomi-

Math.

& Ecclesia eius sponsa, qualiter Deus aduersus insurgentes perfidiæ impetus atque imminetia pericula, scapulis suis obumbret tibi, vt sub pennis eius speres. *Psalm. 90* Habes insuper quibus modis scuto circundet te veritas eius, vt neque à timore nocturno, neque à sagitta volante in die, neque à negotio perambulante in tenebris, vel ab incursu & dæmonio meridiano quicquam formidēs. Habes denique qualiter ab iis monstris defensum, tandem te scuto bonę voluntatis suę coronabit. Nam qui perseuerauerit in finem, hic saluus erit. Quid igitur superest, nisi vt beneficia, ac dignationem illam summam qua nos prosequitur Deus, recognoscentes, ne ingrati atque indigni diuina gratia deprehendamus, vno ore, vnāque mente dicamus omnes.

Benedictus Deus & pater domini nostri *2. Cor. 1.* Iesu Christi, pater misericordiarū, & Deus totius consolationis, qui cōsolatur nos in omni tribulatione & tentatione nostra. Illi gloria & imperium in secula seculorū, Amen.

Scuto circundabit te veritas eius. *Psalm. 5*

H V B E R T I M O R I A D
D. Iohan. Vacquerium
præcept. suum.

*Rapta Philisthæis quondā vetus arca prophanis
Scribitur: & patrio pulsa fuisse solo.
A vaccistandem Lactatibus inde Reuēcta,
Claruit: atque suo est redita salua loco.
Proh dolor, arca nouæ legis prope rursus eisdem
Incrassatorum prodita fraude bouum est.
A quibus auxilium melius nunc ergo requirat,
Quàm quorum auxiliis ante recepta fui?
Lactiferæ vaccæ, Vacqueri, promptus ades dum:
Viribus hæc vestris mox repetenda venit.
Vacqueri cessas? non te mouet Iste boatus?
Aude animis: hæc te laurea certa manet.*



DOMINICA XIX.

Nouembris, M. D. LIX. apud
Faræmonasterium in ablu-
tione baptismali duorū
puerorum terræ
Americæ.

† *Hi qui amicti sunt stolis albis, qui
sunt, & vnde venerunt? Apoc. 7.*

AVE MARIA.



DILECTVS Christo Apo-
stolus, cū in spiritu ra-
ptus esset apud Pathmū
insulam, vidit gloriam
Dei, circa prædestinatio-
nem ac præsciētiam ele-
ctorum ad beatitudinem æternam: Et in
his cū sese præsentaret chorus martyrum
in albis fulgentium, angelus reuelationis
diuinæ minister, interrogauit virum non
quasi

quasi resolutionem quæstionis sibi cogni-
 te expectans, sed ad diuinorum mysterio-
 rum speculationem, Apostoli mentem eri-
 gere volēs: Hi qui amicti sunt stolis albis,
 qui sunt, & vnde venerunt? Quo audito
 respondit Iohannes: Domine mi, tu scis.
 quæstionis solutionem existimans satius
 esse ab angelo recipere, quàm eiusdem de-
 finitionem præsumptione indiscreta vfur-
 pare. Ad quem Angelus: Hi sunt qui ve-
 nerunt de tribulatione magna, & lauerunt
 stolas suas in sanguine agni. Quibus abun-
 dè nobis significatur quanta sit ad conse-
 quendam hæreditatis æternæ fruitionem,
 vis atque energie baptismi sanguinis, id
 est martyrij: quem non longo interstitio
 sequuntur sincera fidei professio, & salu-
 taris ablutionis susceptio: ob idque quæ
 pro martyribus dicta sunt, non ineptè iis
 duobus adolescentulis accommodabuntur:
 quos aquis saluificis ablutos, insuper albis
 indui nuper vidistis: ad protestandam eam
 quam baptismo perceperunt in sanguine
 agni gratiam, & mentis puritatem. Nobis
 igitur hac breui oratione, opitulante Spi-
 ritu sancto, inuestigandum qui, id est, qua-
 les sunt nunc, & vnde venerunt: id est qua-
 les

les aliquando fuerunt: atque vt à posteriore initium accipiat oratio. Si vnde venerūt quæritur, Iure respōdere licebit cos ex magna tribulatione venisse: Nempe de semotissimis terræ habitatæ partibus. De terra (inquam) America regione, ad Polū antarcticū vergente: quæ ab hac nostra Gallia miliaribus penè octies mille distat. Terra vasta locorum spaciis, quæ cū cœlum temperatum clemētēque aerem habeat, quarta totius orbis portio à Geographis describitur. Verum cū cetera prope omnia quæ homines desiderare queant ad fœliciter habitandum, ibi abundè suppetent: inauspicato accidit, vt isthic homines quasi ritu ferino viuant: & quod cuiquam mirum videri possit, sub clementi cœlo prorsus inhumani atque inclemētes sint. acres pugnas ineūtes, & sigillatim & communiter, in inuicem, tanto odio tantæque ferocia, vt post mutuum cōflictum victores prostratorum captiuorūque viscera depascantur: & cū apud quosdam illorum (quemadmodum scribit Satyrographus) scelus credatur fœtum iugulare capellæ,
Carnibus humanis vesci licet
Illic, non hospes ab hospite tutus:

Iuuenal.

H Non

Non socer à genero.

Nulla ibi lex, quę nefanda prohibeat: Nullus Rex qui lęsos ab iniuria vindicet. nullus Prętor qui admissum facinus suppliciiis expiet: Omnes omnia sibi licere putāt, & vbi posse facultasque agendi subest, nihil sibi illicitum arbitratur. Omnium vna est sententia. Sic volo, sic iubeo: sit pro ratione voluntas. hi duo cū aliquot aliis in manus suorum hostium venerant, futuri post paucos dies eorum esca, nisi obstitisset generosus Heros Vilgainonius, eques & religiosus sanctę Crucis in Hierusalem: vir non minus literatura quā nobilitate ac sanctitate commendabilis: qui proprio ære redemptos in Galliā transuexit, reclamantibus aliquandiu pertinaciter Dominis crudelibus: qui paucos de numero sibi ad conuiuij delitias relinqui importunius poscebant, quorum tandem animos & cruda pectora, sua sapiētia peruicit heros sanctissimus. Nunc demum de hac Babilonia fornace liberatos, Christo cōsecrare ac dicare volens, eos ampliss. & clarissimis totius patrię patronis religioni nostrę initiandos vltro citrōque dispertitur: Ipso vero partitionis exordio, quo foeliciores auspici-

auspiciis procederent omnia, duos adole-
 scentulos, puellamque vnam, eiusdē prope
 ætatis: inclitæ ac religiosissimæ, principi
 Antonetę à Lotharingia, Domine Farę-
 monasterij vltro donauit: Illi ex animo
 commédans eorum promotionē ad Chri-
 stum. Quę non multo post tēpore (vt eius
 gaudij participē quoque faceret illustriss.
 sororem suam Renatā à Lotharingia san-
 cti Petri Remens. Cœnobiarcham) Illi al-
 terum puerorū delegauit, huius quem vi-
 detis virgunculę fratrē: illius curam atque
 educationem eidem obnixē commédans.
 Qui sunt igitur & vnde venerūt? Certē ex
 magna tribulatione, si ferinam & tigris
 dignam viuendi rationem suę gentis spe-
 ctas: sed multo maiore grauiorēque, si iu-
 giter illis imminetia cum corporis tum
 animę pericula ponderamus: nam gens to-
 ta est sub Satanę imperio: Vnde & frequē-
 ter ab immundis spiritibus partim terren-
 tur, partim corpore & animo affliguntur:
 vt illis facile tribui queat, quod scribit exi-
 mius Propheta. Misit in eos Deus iram
 indignationis suę, indignationem & iram
 & tribulationem, immisiones per ange-
 los malos. Hic rugiunt in miseris homini-

Psal. 77

H ij bus

bus cacodæmones: hîc & canum vlulatus, porcorum grunnitus, taurorum boatus, ac elephantorû barritus, ora humana sonant: hîc arreptitorû. Phanaticorû atque energuminorum, prope infinitus est numerus. Hîc deniq; plenû hæctenus habuit infern⁹ præfidiû. Magna igitur eorundê foelicitate successit, vt antropophagia & carnificina ista eduçti, tâtos patronos Christo Domino militaturi nâciscerentur: & nos ne beneficij diuini immemores simus, néve torpentes in gratiarû actione deprehédamur: In iisdê periculis versati sumus. Nã & Satanę aliquâdo meruimus: nati cû periculo, viperarû more matres in ipso partu exantherâtes, & cruciatu intollerabili earundem vteros disrumpentes: mirum quin & ipsi disrupti discerptique nascentes fuerimus, aut ipsas aluos matrum pro sepulchris habuerimus, vmbras inferas petitori: nisi nos Deus præuenisset, ac sua immensa bonitate ad eandem sacræ ablutionis gratiam (sicut & illos) perduxisset. Plato Deo. Opt. Maxim. Præter cætera de tribus gratias agebat. Primum quòd homo natus esset, nō bestia, vel truncus. Deinde quòd Græcus non Barbarus, tertio. quòd præceptore

ptore Socrate esset vsus. Quibus omnibus, multò ampliores gratias Deo & Christo Saluatori debemus: Imprimis quòd sua benignitate nos nihil tale meritos, necdum vnde mereremur habétes, Non fungos, lapides, serpentes, canes, lupos, aut iumenta fecerit, sed homines rationis, atque locutionis vsu præditos, ad suam similitudinem efformarit: dotibus insuper auxerit innumeris, & genus hoc nostrum mortale, quasi angelis ministrisque suis æternis coëquarit. Propheta in eius sublimitatis admiratione inclamante: Quid est homo quòd memor es eius, aut filius hominis quoniam visitas eum? Minuisti eum paulominus ab angelis, gloria & honore coronasti eum, & cōstituisti eum super opera manuum tuarum. Omnia subiecisti sub pedibus eius. Quibus in aperto est, Deum hominem terris terrenisque omnibus præfecisse, & veluti vicarium suum & Deum quendam terrestrem constituisse: Hac tantum cōditione, si eum creatorem superiorémque suum recognosceret. Ad hæc nos neque Barbaros, neque æthnicos, vel Idololatrias esse passus est: verùm Christianis parétibus genitos, statim per sacram ablu-

Psalms. 8.

Johan.

tionem regeneratos in filios adoptavit. Et ne Socratis, atque Atheniensium more (in quibus gloriabatur Plato) Deos ignotos coleremus, Confors & particeps naturæ nostræ factus, sese nobis pro præceptore exhibuit: patris voluntatem, & cœlestes disciplinas, ac verba vitæ æternæ, pari virtute ac familiaritate edisserens. Vnde & nobis in Apostolis (ne quem excusationis prætextum quæramus) dixit. Omnia quæcunque audiui à patre meo nota feci vobis: Quid quod & se in cœlum ad patris dexteram recepturus, spiritum sanctum in terras demisit: qui nos doceret modò Euangelij prædicationisquæ ministerio, modò inspirando, & tacitus animabus nostris il labendo, omnem veritatem: omnia denique suggeret, quæcunque ille nobis in Apostolis & turbis concurrentibus ludæorum prædixerat. Verùm (me iudice) illud multò maximum fuit, erga nos beneficium. Quòd nos in filios adoptionis receptos, in commensales suos sua dignatione recepit: Carne & sanguine propriis, corpora animasque nostras in dies reficiens. Si spectas igitur, Vnde vel isti vel nos venerimus, Nihil certè præstans atque eximium

mium in exordiis nostris, & ipsa veteri cō-
 uersatione reperies. Homo siquidem sicut *Psalm.*
 fœnū, dies eius tanquā flos agri, sic efflore-
 bit. Et (Sācto Iob autore) Homo natus de *Iob.*
 muliere, breui viuens tēpore repletus mul-
 tis miseriis. Et quid putas esse poterit ho-
 minis vita citra Dei cognitionem, nisi vel
 mera stoliditas, vel cymmeriæ tenebre. Ec-
 ce igitur: O plebs fidelis & Christo deuota,
 habes vnde isti venerūt, & vnde venimus
 ipsi: Nempe de tenebris & regione vmbrae
 mortis: Illud est quod respondet Senior
 Iohanni Dei dilecto dicenti sibi, Domine
 mi, tu scis. Hi sunt (inquit) qui venerūt de *Apoca*
 tribulatione magna, & lauerūt stolas suas
 & dealbauerunt eas in sanguine Agni.

Breuit(er) (auditores) vobis explicuimus
 vnde venerunt isti. Deinceps nobis narrā-
 dum occurrit, qui sint? quam quæstionem
 ne nobis plusquā scripturis tribuere vi-
 deamur, Resoluet Apostolus dicens. Chri-
 stiani sunt: Iam iam à suscepto baptismo
 Christo inserti, & membra Christi facti.
 Quicumque (inquit) in Christo baptizati *Galath.*
 estis, Christum induistis. Non est Iudæus,
 neque Græcus, non est seruus neque liber,
 non est masculus neque fœmina. Omnes

H iij enim

enim vos vnū estis in Christo Iesu. Olim
salm. feri & bestiales, propter peccatum eius de
 quo scriptum est. Homo cum in honore
 esset non intellexit, comparatus est iumē-
 tis insipientibus, & similis factus est illis.
salm. Nunc demum quasi modo geniti infan-
 tes rationabiles, disciplinæ salutaris lac
 concupiscunt: Deo dicentes. Notam fac
 nobis domine viam in qua ambulemus,
 quia ad te animas nostras leuauimus.
hes. 2. Olim mancipia diaboli: nunc Ciues & do-
 mestici Dei. Eodem Apostolo illis hoc
 foelix Euangelium nunciante. Iam non
 estis hospites & aduenæ, sed estis Ciues Sā-
 ctorum & domestici Dei: superædificati
 super fundamētum Apostolorum & Pro-
 phetarum; Ipso summo angulari lapide
 Christo Iesu: In quo omnis ædificatio cre-
 scit in templum sanctum in domino. Di-
 cam amplius Patres & fratres amantissi-
 mi. Olim filij Belial atque angeli Satanæ:
 Nunc demum quasi angeli lucis, atque a-
 deo filij Dei facti sunt: Angelos ipsos qui-
 bus aliquādo seruiebant iudicaturi. Cuius
 rei mecum testis erit, ille ipse Apostolus
2. m. 3. ad Romanos scribens. Quicumque spiritu
 Dei aguntur, hi filij Dei sunt, &c. Et ipse
 ipsi

spiritus testimonium reddit spiritui nostro, quia sumus filij Dei: si autem filij & hæredes: Hæredes quidem Dei, cohæredes autem Christi. Ecce igitur foelici successu facta est eorum, hæreditas domini. Et ipsi viceuerſa hæreditas Christi facti sunt: Filij merces, fructus ventris. Quidni? Cum eis sicut & nobis dederit Deus potestatem filios Dei fieri, credentibus in nomine eius: qui non ex sanguinibus, neque ex voluntate carnis, neque ex voluntate viri, sed ex Deo nati sunt: verbo Dei carne atque homine facto. Hæc est generatio atque natiuitas ſecūda: *Psalm.* Generatio dico quærentium Deum, quærentium faciem Dei Iacob. Exufflatus est ſcilicet de corporibus eorum ac nostris, per Sacroſanctum lauachrū, Satanas: & princeps huius mundi foras eiectus. Clausa est conscientiarum noſtrarum ianua diabolo, & aperta est Christo. Quæ causa fuit, vt ſancti huius natalis die abiecerint tyrunculi noſtri opera tenebrarum, & induerint arma lucis: albis induti ad procedendum obuiam Christo domino. Verū hîc mihi myſteriorum cœleſtium altitudine ſtupefactus, interrogabit aliquis. Sed qua tandem ratione

tione ex tam fordìdis miserisque, vsque-
 adeo clari atque illustres euasere Candi-
 dati nostri? huic pro me respondebit, ille
 ipse qui Iohanni in spiritu raptò apud
 Pathmum apparuit, Senior, (Cui etiam-
 num propter canos & reuerentiam æta-
 tis plus fidei tribuendum est,) Quia laue-
 runt stolas suas & dealbauerunt eas in san-
 guine agni. Stola vniuscuiusque viri con-
 scientia est & vita: neque enim quis fami-
 liarius intimiusve ex vestibulis suis cogno-
 scitur, quàm ex quotidiana conuersatione.
 Proinde adolescentuli & Neophiti no-
 stri, quorum conuersatio ac viuendi con-
 suetudo nuper nigra, eruginosa, feralis-
 que erat, posteaquàm induerunt Christum.
 Hodie mutati & prorsus ab iis qui olim
 erant dissimiles comperiuntur: quia scili-
 cet lauerunt stolas suas, & diuerso viuen-
 di proposito dealbauerunt eas in sangui-
 ne agni. Sic Æthiopiissam, id est animam
 peccato discolorem sibi iungit, & in spò-
 sam recipit Moses noster mysticus Chri-
 stus: Si tamen prius saltem voto atque af-
 fectus pietate, pellem mutarit. Si crines
 vnguésque raserit: id est superflua & pom-
 pas huius seculi nequam reliquerit, ac cœ-
 lesti

lesti sponso (allophilos suos despiciens) per fidem in baptismo datam atque acceptam herere incipiat. Non vobis figmenta narro, viri Christiani: nec friuola putanda sunt quę vobis ex ore nostro pendebantur proponuntur. Eorum ferē omnium testes estis. Ecce auribus vestris audiuiſtis, atque animis plane intellexiſtis, ſpiritualis huius ac myſticę deſponſationis ſœdus. Audiuiſtis Chriſtum miniſtri ſui organo interrogantē, Credis in Deū patrē? Credis in Deum filiū? Credis in Spiritum ſanctum? Abrenuncias Satanæ, omnibus operibus & pompis eius? Et ſi baptizari vterque vellet? Quibus annuētibus ſeipſis, (quia ætatem & rationē habent qua per ſe loquantur) necnō per ſuſceptores ſuos patrimos dico ac matrimas, fidēi infirmorū opitulantes, aſperſi ſunt aquis ſalutaribus: atque in ipſo ablutionis articulo, hauſerūt in gaudio aquas gratiæ cœleſtis de fontib⁹ ſaluatoris: aquas dico quę potantibus fiūt fons aquę ſaliētis in vitam æternam. Sicut & nos omnes aliquādo de eorundem fontium plenitudine, & viuētib⁹ ſcatebris accepimus. In quarum virtute menſtruata à ſanguinis profluuiο ſanatur: & Naaman à lepra

à lepra curatur : Pardus pellem suam mutat, & qui seruus erat Diaboli efficitur domesticus ac filius Regis æterni . Sic itaque habitantibus in regione vmbre mortis, sine Deo, sine lege, sine rege, lux orta est eis: visitante & super eos irradiante oriente ex alto . Nec hîc mihi quisquam obganniat inconsultòve existimet factum quòd in sacrosanctis mysteriis, iis duobus Christi candidatis, legitimam alioqui ætatem assecutis, iam ex parte Catechizatis ac pro se respondere valentibus, adiuncti sunt veluti opitulatores, qui eisdem manus auxiliatrices ad gratiæ diuinæ susceptionem protenderet: & sacrę huius ablutionis testes oculati haberentur, Patrimos dico & matrimas, immo verò si vis vniuersam turbę circumstantis Ecclesiã: habent enim ista iustam rationem cur ita fiant : sacramenta quippe omnia purius sinceriusq; in fide Ecclesię quam particularis cuiuslibet hominis deuotione tum cõficiuntur, tum dispensantur, ac recipiuntur. Vnde cõfidenter de misericordia & gratia sperantes diuina, recēs natos infantes (quanuis idipsum derideant proteruiētes hēretici) cū fidem propriā non habeant, in fide baptizamus aliena.

Quid

Quid enim si infans pro se loqui non potest? pro quo vox sanguinis Christi fratris eius clamat ad patrem misericordiarum de terra. Astat nihilominus & clamat mater Ecclesia. Quid tandem infans? An non & ipse vobis videtur quodammodo inhiare, & de fontib⁹ saluatoris vociferari ad Deū, suisque vagitibus supplicare? Domine vim patior, responde pro me: flagitat scilicet auxiliū gratiæ, quia vim patitur ab origine, & peccati alterius se sentit præmi gra uamine. Ita ergo clamant hæc omnia: sanguis fratris, fides matris, destitutio miseri, & miseria destituti: Porrò, pater seipsum negare non potest. Pater est, atque misericordiarum, ac proinde miserorum pater. Nemo hîc mihi dicat, quia nō habet fidē, cui mater impertit suam, inuoluens illi in sacramento, quousque idoneus fiat assensu euolutā purāque percipere. Nunquid breue est pallium Ecclesiæ, aut nimis arcta est inconsutilis illa redemptoris nostri tunica, ut non possit ambos cooperire? Magna est Ecclesiæ fides. Nunquid minor fide Chananeæ mulieris? quam constat & filiæ potuisse sufficere, & sibi: Ideoque audire meruit à domino: O mulier magna est fides

fides tua: fiat tibi sicut petiisti. Nūquid minor est fide illorum, qui Paralyticum per tegulas demittētes, animę illi simul & corporis obtinuerunt salutē? Vt vidit Iesus fidē illorum (inquit Euangelista) ait Paralytico. *Matth. 9.* Confide fili, remittuntur tibi peccata. Quorsum hæc? Eorsum sanē, ut intelligāt omnes Ecclesiæ, fidem in peragēdis sacris mysteriis primum locum tenere: Eique (tanquam indefectibili regulæ) potius insistendum Christiano cuilibet esse, quàm propriæ credulitati. Omnes nouimus quàm vacillans & fragilis sit atque infirma singulorum hominum virtus: Nec clam nobis est quàm mutabilis & nutans sit mortalium sententia. Quod autem Ecclesiæ autoritate statuitur, id à Spiritu sancto primordia habet, ob idque fixum & immotum manet. Adde si placet notabilem illam & suspiciendam prærogatiuam quam Ecclesiæ suæ repromisit Saluator, dicens. Super hanc petram ædificabo Ecclesiam meam, & portę inferi non præualebunt aduersus eam. Hoc cœlesti promisso fulta Ecclesię autoritas tuto suę sententię fidit, Conscia eius quem præsidem, atque rectorem ac veritatis omnis docto-

doctorem principio accepit. Singuli verò Christianorum sua infirmitate satis superque admonentur auxilij à Deo petendi, atque obsecrandi, quatenus frigidam credentium fidem adaugere & adiuuare velit. Iustis igitur rationibus actum videtur, ut ad priuatam candidatorum nostrorum fidem, suffragantis Ecclesiæ accederet robur. Sic enim decet Christi, Seruos omnē implere iustitiā, & plus ex maiorum prælatorumque suorum, quàm ex proprio iudicio pendere. Ob idque si quæritur: Qui sunt isti qui de tribulatione & angustia prius venerant? tutò respondebimus, quia innocentes manibus & mundo corde: Ideoque albis vestiti ad protestandam eam quam nuper adepti sunt cordis corporisque puritatem. Hęc si quidem est huius sacrę ablutionis gratia, purgatio delictorum: quam operatus est in illis inuisibiliter, at nō prorsus illis imperceptibiliter, is qui solus potest mundum facere de immundo conceptū semine. Vos sacramenti huius quod vobis enarro testes eritis locupletissimi: qui oculis vidistis, & auribus vestris audiulistis, quam liberè & ex animo non fictæ vel dissimulanter sese Christo domino

domino deuouerunt. Et post tanta & tam clara testimonia, post tam densam testium optimorum nubem quis ambigere queat, an illos verè térque quaterque beatos dicere possimus? quos Christus sanctificatos iustificatósque suo sanguine purificauit? Hæ sunt stolæ illæ cœlestes, in quibus nascente resurgenteque domino, lætitiæ testati apparuerunt cœli ciues. Vnde & candidati nostri nunc nunc cœlestibus stolis amicti quadantenus cœlo ascripti meritò censeantur, Christo domino dicente: Qui crediderit & baptizatus fuerit saluus erit. Quorum puritati ac niueo candori, sicut attestatur cum hac venerabili cōcione sancta mater Ecclesia, Ita sublimius eidem testimonium reddunt in terra quidem, spiritus, aqua, & sanguis: at multo clariùs excellentiùsque in cœlo Pater, Verbum, & Spiritus sanctus. In quorū nomine collata receptaque esse cōstat cœlestia sacramenta. Quamobrem valeat & hinc procul facefat vetus anabaptistarum superstitio: quæ tanquàm parum valida essent, tot & tanta testimonia, aut lauachro nouo indigeat qui iam lotus est, & mundus totus, sacram ablutionē iterari repetique suadebat, quasi

Christus

arce vlt.

Iohan. 5.

arce vlt.

Christus secundò passus sepultusque pro nobis fuerit, vt per baptismũ in eius mortem illi iteratò conssepeliamur: Apostolo cum Ecclesia impio errori libera voce reclamantibus iis verbis. Christus resurgens ex mortuis iam non moritur, mors illi vltra non dominabitur. Quibus sua lege subscribēs ciariss. Imperator Iustinianus, Eorum (inquit) damnamus errorem, qui Apostolorũ præcepta calcãtes, Christiani nominis sacramentum sortitos, alio rursus baptismo non purificant, sed incessant, lauachri nomine polluentes. Neque magis viro catholico recipienda erit Bohemorum stoliditas: qui recens natos & nuper aluo matris exceptos infantes, illico volũt à salutarì lotionè ad corporis & sanguinis dominici cõunionem præsentari: nec cibi illius coelestis eminentiã: nec paruulorum infirmitatem diiudicantes: Qui si dictorum factorũque suorum pondus perpenderent, nec leuitate plusquam muliebri de arduis ac difficilibus mysteriis decernerent, agnoscerent vtique pueros & recẽter baptizatos homines, adhuc in Christo infantes esse: quibus lacte eruditionis magis opus sit, quàm solido cibo: necdum

Roma. 6

C. lib. 1. iteretur baptismi. L. antiistite.

I . enim

August.
br. 2. de
conf. 3.

enim per ætatem & promotionem suã illius potentes & capaces sunt. Ideoque illis Christus, per Augustinum certissimũ veritatis Evangelicæ interpretem sigillatim dicit: Ego sum cibus grandium, cresce & me manducabis: nec (quod in aliis accidit eduliis) tu me mutabis in te: sed tam beata quàm noua Metamorphosi mutaberis in me. Iuxta quam disciplinam maturo consilio, tum in adolescentulis nostris, tum in prouectæ ætatis hominibus nuper baptizatis, ad statutum tempus prorogantur sacro sanctæ συνάξεως epulæ: quibus suo tempore perfruentur, quando, scilicet per ætatem & sanctum fidei catechismũ capaces mensæ domini comperientur: ante quos terminos non aliter quàm lactantes infantes videmus, bolo, vel mica panis potius strâgulari & suffocari, quàm nutriri? Ita carne Christi vix vnquam ante præfinitos terminos velci possent, sine suo aut alterius offendiculo. Crescent itaque modis vtrisque: crescent (inquam) adiutiãte Christo, & eo quem perceperunt spiritu sancto: ac tunc manducabant. Satis est si pro modulo ætatis & cõditionis interea prætexta angelorũ vtantur: aliquanto post eorundẽ cõmensales fu-

les futuri. Nā vulgato quoque prouerbio apud philosophos pronūciari testatur Seneca. Neminem repente fieri magnum. Et scripturæ sanctæ astruunt substantiā festinatam cito euanescere. Quinquā oppido-
 quā magni, nobiles atque illustres sunt vel hoc solo nomine: quia in Christi familiam adoptati quorum celsitudine stupefacta Ecclesia, ait: Mihi autem nimis honorati sunt amici tui Deus, nimis cōfortatus est principatus eorum. Hinc est quōd grādiloquus ille Chrysostomus, Archiprēsul Constantinopolitanus, eo sermone quem ad baptizādos nobis scriptū reliquit, illos vsque adeo reuerēter atque honorificē interpellat iis verbis. Optimē noui quātum vos paulopost beatitudinis culmen excipiet: & quantā tenebitis potestātē. Quemadmodum autem eos precibus multi ambiunt supplices, quos spes est ad dignitatū fastigia eleuandos, & futuri potētatus grātia adulationibus eis sese commendare festinant, & ante potestatis tempus se sociār, quo futura mereantur. Hoc ego mihi diligenter excogito, hoc solerter mihi præparo. Non enim ad simplicem gloriam eleuari speratis: sed ad ipsam imperij cœle-

stis potestaté. Et ideo vos peto. Ideo omni
 deprecatione vos posco, vt quádo ad illud
 regnú veneritis, mei memores esse velitis.
 Et sicut Ioseph patriarcha p̄cernarú prin-
 cipi dicebat: Meméto mei cū benefactū
 tibi fuerit: hoc & ego nunc peto. hoc dico.
 Mementote mei quando vobis benefactū
 fuerit. Mementote inquā mei, quando vos
 illud suscipiet regnum, quando regale vos
 proteget indumentum, quando purpura
 dominico sanguine tincta decorabimini.
 quando coronam solaribus radiis splendi-
 diorem sentietis in capite. Hæc ille longo
 verborum ac sententiarú tractu prosequi-
 tur, disquirens ac describens eam quam o-
 mnes in baptismo nanciscuntur Christia-
 ni, animę puritatem. Tanta etenim diuinę
 gratiæ misericordia est, támque exuberans
 dei ac Saluatoris nostri benignitas in hoc
 sacramento, vt iustos faciat sudore omni
 cessante: quod illi non est difficile. Nam si
 imperatoris præceptio paucis cōscripta li-
 teris, multorú criminum reos liberare cō-
 suevit, aliis quoq; præstare culmina digni-
 tatum: multo magis sanctus & cuncta po-
 tens Dei spiritus, omni nos malitiæ reatu
 in sanguine agni pro salute nostra occisi
 liberare


liberare potest. atque insuper variis iustitiæ charismatibus exornare. Ob quam causam factum existimo, ut hæc sancti ablutio (tametsi peccati veniam, in nobis operetur) non tamen lauacrum remissionis peccatorum, nec lauacrum purificationis, sed regenerationis dicatur: quia non nobis simpliciter peccata concedit, nec simpliciter nos purificat malis actibus implicatos, sed tamquam ex cælo generatos facit. Verum enimvero, quid est Patres & Fratres Christiani, quod statim à saluifica illa natatoria Siloë spiritualis, pueri nostri oleo salutari uncti sunt? Baptismus, si nescitis, sacramentum est militiæ Christianæ: Unguntur verò quasi athletæ ad futura certamina, & tentationem viriliter repellendam, ac vincendam. Nam ipse quoque Christus antesignanus atque imperator militiæ nostræ, statim à baptismo & ieiunio tectatus est, Itaque uncti confirmatique sunt ad pugnam futuram tyrones nostri: ut fortiter spiritu sancto cuius gratiam perceperunt opitulante, insultibus mundi, carnis, ac dæmoniorum resistere queant. Et cum Paulo dimicet, non quasi in incertum, nec quasi aërem verberantes ridiculo Andabatarum more, sed castigent

corpus suum, & in seruitutem redigāt, se-
 ipsos primū vincentes, & sibi imperantes,
 postmodum hostes sibi vnde quaque insi-
 diantes domituri: Nam militia est vita ho-
 minis super terrā: & supernæ quidē in no-
 strum exitium excubāt nequissimi dēmo-
 nes, mille dolis, mille nocendi artibus in
 nos armati. Tum rursus à dextra leuāque, à
 fronte pariter & à tergo, mundus hic nos
 oppugnat: qui iuxta Ioannis vocem totus
 in maligno positus est, Neq; verò simplex
 oppugnādi ratio. Interim enim rebus ad-
 uersis velut aperto Marte sequiēs, animi mœ-
 nia graui quatit ariete: interim ingentibus
 quidē, sed vanissimis promissis ad defe-
 ctionem sollicitat: interim actis obliquē cu-
 nicularis inexpectatus adrepat, nos oscitantes
 ac securos oppressurus. Postremò infernē
 quoque lubricus ille anguis, primus pacis
 nostrę proditor, nunc in virenti gramine
 concolor abditus, nūc in cāuernis suis de-
 litescens, centenis contortus voluminibus
 non desinit Euæ nostrę, id est carnalis &
 cōcupiscibilis hominis parti insidiari. In
 ipsis deniq; animi nostri penetralibus, ho-
 stem ferimus plusquam familiarem ac do-
 mesticū: quo vt nihil interius ita nihil esse
 potest


potest periculosius. hic est vetus ille Adā
consuetudine plusquam ciuis, studio plus
quam hostis: quē neque arcere vallo licet,
neq; castris exigere fas est. Aduersus eorū
aduersariorū insultus nos suæ gratiæ oleo
vngit & armat spiritus sanctus: aduersus
eosdem nos admonet in discipulis vigila-
re atque orare Christus, inquit: Vigila-
te & orate, vt non intretis in tentationem.
Hęc est itaque ratio, cur statim à sancto la-
uacro, sacri olei delibutione inungūtur re-
generatorum membra. Nempe ad virili-
ter dimicandum & præstandum ea omnia
quæ gnauum par est præstare militē Chri-
stianum. Si verò quæritur quibus vel pro-
curatoribus vel autoribus isti quos vide-
mus ad tātā gloriā prouecti sunt, tuto
respondere possumus: Opificem Deum il-
lis primum huius præstantissimi beneficij
autorem fuisse. Post Deum autē illustriss.
& pietatis religionisq; obseruatiss. Hęcā
meam dominam Antonetam à Lotharin-
gia, cum strenuissimo heroē de Vilgai-
gnō, huius salutis cooperatores fuisse: hīc
de profundo barathri, id est de terra quæ
Deum nescit eos reduciendo in Galliā, Illa
Cathecismi baptismique eorūdem curam
susci-

suscipiendo vt cætera taceantur, quæ illis
 hæcenus præstitit & in futurum præstare
 animo constituit. O tã claris atque eximiis
 patroni scælices adolescētulos, iam iam in
 Dei familiam ciuilitatēque receptos, tã-
 dem gloria beatorum angelorum perfrui-
 tuos, si incorruptas incōtaminatāsque hu-
 ius innocentiaē sanctificationisq̃ue stolas
 seruauerint. Eia agite macti animi adole-
 scentes. Videte ne vos tãti muneris capiat
 obliuio, neve negligentiaē vel ingritudi-
 nis vitio vobis tantum bonum excidat: &
 cum turba hac Christianorū astante (quā
 vestraē scælicitati applaudentem conspici-
 tis) nobiscū Deo Opt. Max. gratias agite:
 qui vos in diuersum mutatos, de tenebris
 & regione ymbræ mortis, in admirabile
 lumen suum vocauit.

DIXI.



lis
are
uis
in
ta-
ui-
hu
las
e-
at
di-
&
pa
i-
is
le



11

